

四庫全書

經部

欽定四庫全書

禮書綱目卷四十一

婺源江永撰

少牢饋食禮下

吉禮八

經 舊篇名有司徹鄭目錄云少牢之下篇也大夫既祭賓尸於堂之禮祭畢禮尸於室中天子諸侯之

祭明日而繹有司徹於五禮屬吉

有司徹

徹室中之饋及祝佐食之俎卿大夫既祭而饋尸禮崇也賓尸則不設饌西北隅以此薦俎之

陳有祭象而亦足以厭飫神天子諸侯明日祭於枋而繹春秋傳曰辛巳有事于大廟仲遂卒于垂壬午猶繹是也爾雅曰 婦堂 為賓尸新之少儀曰汎 司宮攝酒 洗又祭也 婦堂 婦曰婦婦席前曰拊

益整頓之今

乃焚尸俎

焚溫也溫尸俎於爨所亦溫焉獨言溫尸俎則祝與佐食不與

燔尸之禮古文焚皆作尋記或作燔春秋傳曰若可尋也亦可寒也

卒焚乃升羊豕魚三

鼎無腊與膚乃設扃鼎陳鼎于門外如初

腊為庶羞膚從豕去其鼎

者燔尸之禮殺於初如初者如廟門之外東方北面北上今文扃為鉉古文鼎為密

右將燔尸徹饌焚尸俎記三家者以雍徹

詳樂類樂

歌

乃議侑于賓以異姓

議猶擇也擇賓之賢者可以侑尸必用異姓廣敬也是時主人及賓

有司已復內位古文侑皆作宥

宗人戒侑

戒猶告也南面告於其位戒曰請子為侑

侑出俟

于廟門之外

俟待也待於外當與尸更入主人興禮事尸極敬心也

### 右議侑

司宮筵于戶西南面

為尸席也

又筵于西序東面

為侑席也

尸與

侑北面于廟門之外西上

言與殊尊卑北面者賓尸而尸益卑西上統於賓客

主

人出迎尸宗人擯

賓客尸而迎之主人益尊擯贊

主人拜尸答拜主人

又拜侑侑答拜主人揖先入門右

道

尸入門左侑從亦

左揖乃讓

沒雷相揖至階又讓

主人先升自阼階尸侑升自西階

西楹西北面東上

東上統於其席

主人東楹東北面拜至尸答

拜主人又拜侑侑答拜

拜至喜之

右主人迎尸

乃舉

舉舉鼎也舉者不盥殺也

司馬舉羊鼎司士舉豕鼎舉魚鼎以

入陳鼎如初

如初如阼階下西面北上

雍正執一匕以從雍府執二

匕以從司士合執二俎以從司士贊者亦合執二俎以

從匕皆加于鼎東枋二俎設于羊鼎西西縮二俎皆設

于二鼎西亦西縮

雍正羣吏掌辨體名肉物者府其屬凡三匕鼎一匕四俎為尸侑主人主

婦其二俎設于豕鼎魚鼎之西陳之宜具也古文縮皆為臧

雍人合執二俎陳于羊

俎西並皆西縮覆二疏匕于其上皆縮俎西枋

並併也其南俎

司馬以羞羊と清羊肉湑其北俎司士以羞豕と清豕肉湑豕膏清魚疏匕と柄有刻飾者古文並皆作併

### 右鼎俎入

主人降受宰几尸侑降主人辭尸對

几所以坐安體周禮大宰掌贊玉几

玉爵宰授几主人受二手橫執几揖尸

獨揖尸几禮主於尸

主人升

尸侑升復位

位作階賓階上位

主人西面左手執几縮之以右

袂推拂几三二手橫執几進授尸于筵前

衣袖謂之袂推拂去塵示

新尸進二手受于手間

受從手間謙也

主人退尸還几縮之右

手執外廡北面奠于筵上左之南縮不坐

左之者異於鬼神生人陽

長左鬼神陰長右不坐奠之者几輕

主人東楹東北面拜

拜送几也

尸復位尸

與侑皆北面答拜

侑拜者從於尸

右主人授尸几

主人降洗尸侑降尸辭洗主人對卒洗揖主人升尸侑升尸西楹西北面拜洗主人東楹東北面奠爵答拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵

降盥者為土  
汚手不可酌

主婦自東房薦韭菹醢坐奠于筵前菹在

西方婦贊者執菹醢以授主婦主婦不興受陪設于

南昌在東方興取籩于房體簋坐設于豆西當外列體

在東方婦贊者執白黑以授主婦主婦不興受設于初

籩之南白在西方興退

菹菹本也韭菹醢醢菹本麋鷄  
體熬麥也簋熬臠實也白熬稻

黑熬黍此皆朝事之豆籩大夫無朝事而用之饋尸亦  
豐大夫之禮主婦取籩興者以饌異親之當外列辟鉶

也退退

入房也

右主人獻尸



乃升

升牲體於俎也

司馬杞羊亦司馬載載右體肩臂肫骼臠

正脊一脰脊一橫脊一短脅一正脅一代脅一腸一胃

一祭肺一載于一俎

言焚尸俎後序體者明所舉有體存焉亦著脊脅皆一骨也臠在下

者折分之以為肉清俎也一俎謂司士所設羊鼎西第一俎

羊肉清臠折正脊一正

脅一腸一胃一膾肺一載于南俎

肉清肉在汁中者以增俎實為尸加也必

為臠折上所折分者膾肺離肺也南俎雍人所設在南者此以下十一俎俟時而載於此歷說之爾今文清為

汁司士杞豕亦司士載亦右體肩臂肫骼臠正脊一脰

脊一橫脊一短脅一正脅一代脅一膚五膾肺一載于

一俎

臠在下者順羊也俎謂雍人所設在北者

侑俎羊左肩左肫正脊一脅

一腸一胃一切肺一載于一俎侑俎豕左肩折正脊一

脅一膚三切肺一載于一俎

侑俎用左體侑賤其羊俎過三體有肫尊之加也豕

左肩折折分為長兄弟俎也切肺亦祭肺五言之爾無羊清下尸也豕又祭肺不齊肺不備禮俎司士所設羊

鼎西之北俎也豕俎與尸同

阼俎羊肺一祭肺一載于一俎羊肉清

臂一脊一脅一腸一胃一齊肺一載于一俎豕脊臂一

脊一脅一膚三齊肺一載于一俎

阼俎主人俎無體遠下尸也以肺代之肺

尊也加羊肉清而有體崇尸惠亦尊主人臂左臂也侑用肩主人用臂下之也不言左臂者大夫尊空其文也

降於侑羊體一而增豕膚三有所屈有所申亦所謂順而撫也昨俎司士所設豕鼎西俎也其清俎與尸俎同

豕俎又與尸豕俎同主婦俎羊左臠脊一脅一腸一胃一膚一膾

羊肺一載于一俎無豕體而有膚以主人無羊體不敢備也無祭肺有膾肺亦下侑也祭肺

尊言膾羊肺者文承膚下嬾也膚在羊肺上則羊豕之體名同相亞也其俎司士所設在魚鼎西者司士

杞魚亦司士載尸俎五魚橫載之侑主人皆一魚亦橫

載之皆加臠祭于其上橫載之者異於牲體彌變於神臠讀如殷噶之噶割魚時割其

腹以為大臠也可用祭也其俎又與尸豕俎同

右載俎

卒升

卒已也已  
載尸羊俎

賓長設羊俎于豆南賓降尸升筵自西

方坐左執爵右取韭菹擗于三豆祭于豆間尸取醴蕡

宰夫贊者取白黑以授尸尸受蕪祭于豆祭

賓長  
上賓

雍人

授次賓疏匕與俎受于鼎西左手執俎左廉縮之卻右

手執匕枋縮于俎上以東面受于羊鼎之西司馬在羊

鼎之東二手執挑匕枋以挹清注于疏匕若是者三

挑  
謂

之歆讀如或春或枕之枕字或作挑者秦人語也此二  
匕者皆有淺升狀如飯糝挑長枋可以抒物於器中者  
注猶寫也今文挑  
作枕挹皆為挹

尸興左執爵右取肺坐祭之祭酒興

左執爵

肺羊祭肺

次賓縮執匕俎以升若是以授尸尸卻手

受匕枋坐祭嚌之興覆手以授賓賓亦覆手以受縮匕

于俎上以降

嚌清者明清肉加耳嘗之以其汁尚味

尸席末坐啐酒興坐

奠爵拜告旨執爵以興主人北面于東楹東答拜

旨美也拜

告酒美答主人意古文曰東楹之東

司馬羞羊肉清縮執俎尸坐奠爵興

取肺坐絕祭嚌之興反加于俎司馬縮奠俎于羊清俎

南乃載于羊俎卒載俎縮執俎以降

絕祭絕肺末以祭周禮曰絕祭清使

次賓肉使司馬大夫禮多宗敬也

尸坐執爵以興次賓羞羊燔縮執俎

縮一燔于俎上鹽在右尸左執爵受燔揆于鹽坐振祭  
齊之興加于羊俎賓縮執俎以降燔尸降筵北面于西  
楹西坐卒爵執爵以興坐奠爵拜執爵以興主人北面  
于東楹東答拜主人受爵尸升筵立于筵末

### 右尸卒爵

主人酌獻侑侑西楹西北面拜受爵主人在其右北面

答拜

不洗者俱獻間無事也  
主人就右者賤不專階

主婦薦韭菹醢坐奠于筵

前醢在南方婦贊者執二邊饗以授主婦主婦不興

受之奠體于醢南賁在體東主婦入于房

醢在南方者立侑為尸使

正饌統馬

侑升筵自北方司馬橫執羊俎以升設于豆東侑

坐左執爵右取菹揔于醢祭于豆間又取體賁同祭于

豆祭興左執爵右取肺坐祭之祭酒興左執爵次賓羞

羊燔如尸禮侑降筵自北方北面于西楹西坐卒爵執

爵以興坐奠爵拜主人答拜

答拜拜於侑之右

右主人獻侑

尸受侑爵降洗侑降立于西階西東面主人降自阼階

辭洗尸坐奠爵于篚興對卒洗主人升尸升自西階主人拜洗尸北面于西楹西坐奠爵答拜降盥主人降尸辭主人對卒盥主人升尸升坐取爵酌

酌者將酌主人

司宮設

席于東序西面主人東楹東北面拜受爵尸西楹西北面答拜主婦薦韭菹醯坐奠于筵前菹在北方婦贊者執二邊醴贊主婦不興受設醴于菹西北贊在醴西主人升筵自北方主婦入于房

設邊于菹西北亦辟鉶

長賓設羊俎

于豆西主人坐左執爵祭豆邊如侑之祭興左執爵右



取肺坐祭之祭酒興次賓羞匕清如尸禮席末坐啐酒  
執爵以興司馬羞羊肉清縮執俎主人坐奠爵于左興  
受肺坐絕祭齊之興反加于清俎司馬縮奠清俎于羊  
俎西乃載之卒載縮執虛俎以降

奠爵于左者神惠變於常也言受肺者明

有授言虛俎者羊清俎訖於此虛不復用

主人坐取爵以興次賓羞燔主人

受如尸禮主人降筵自北方北面于阼階上坐卒爵執  
爵以興坐奠爵拜執爵以興尸西楹西答拜主人坐奠  
爵于東序南

不降奠爵於  
篚急崇酒

侑升尸侑皆北面于西楹西

見主人不反位  
知將與己為禮

主人北面于東楹東再拜崇酒

崇充也  
拜謝尸

侑以酒  
薄充滿

尸侑皆答再拜主人及尸侑皆升就筵

### 右尸酢主人

司宮取爵于篚以授婦贊者于房東以授主婦

房東房  
戶外之

東主婦洗爵于房中出實爵尊南西面拜獻尸尸拜于

筵上受

尊南西面  
拜由便也

主婦西面于主人之席北拜送爵入

于房取一羊釂坐奠于韭菹西主婦贊者執豕釂以從  
主婦不興受設于羊釂之西興入于房取糗與暇脩執

以出坐設之糗在簋西脩在白西興立于主人席北西

面

飲酒而有釂者祭之餘釂無黍稷殺也糗糗餌也股脩搗肉之脯今文股為斷

尸坐左執爵

祭糗脩同祭于豆祭以羊釂之杞挹羊釂遂以挹豕釂

祭于豆祭祭酒次賓羞豕匕滑如羊匕滑之禮尸坐啐

酒左執爵嘗上釂執爵以興坐奠爵拜主婦答拜執爵

以興司士羞豕胥尸坐奠爵興受如羊肉滑之禮坐取

爵興次賓羞豕燔尸左執爵受燔如羊燔之禮坐卒爵

拜主婦答拜受爵酌獻侑侑拜受爵主婦主人之北西

面答拜

酌獻者主婦  
今文無西面

主婦羞糗脩坐奠糗于黽南脩在

賁南侑坐在執爵取糗脩兼祭于豆祭司士縮執豕胥

以升侑興取肺坐祭之司士縮奠豕胥于羊俎之東載

于羊俎卒乃縮執俎以降侑興

豕胥無消  
於侑禮殺

次賓羞豕燔

侑受如尸禮坐卒爵拜主婦答拜

右主婦獻尸及侑

受爵酌以致于主人主人筵上拜受爵主婦北面于阼

階上答拜

主婦易位拜于  
阼階上辟併敬

主婦設二鉶與糗脩如尸禮

主人共祭粢脩祭釂祭酒受豕匕涪拜啐酒皆如尸禮

嘗釂不拜

主人如尸禮尊也其異者不告旨

其受豕膏受豕燔亦如尸

禮坐卒爵拜主婦北面答拜受爵

右主婦致爵于主人

尸降筵受主婦爵以降

將酢主婦

主人降侑降主婦入于房

主人立于洗東北西面侑東面于西階西南

洗侯尸

尸易

爵于篚盥洗爵

易爵者男女不相襲爵

主人揖尸侑

將升

主人升尸

升自西階侑從主人北面立于東楹東侑西楹西北面

立侯尸酌主婦出于房西面拜受爵尸北面于侑東

答拜主婦入于房司宮設席于房中南面主婦立于席

西

設席者主婦尊今文曰南面立于席西

婦贊者薦韭菹醢坐奠于筵前

菹在西方婦入贊者執醢蕢以授婦贊者婦贊者不興

受設醴于菹西蕢在醴南

婦人贊者宗婦之少者

主婦升筵司馬

設羊俎于豆南主婦坐左執爵右取菹揔于醢祭于豆

間又取醴蕢蕢祭于豆祭主婦奠爵興取肺坐絕祭臠

之興加于俎坐挽手祭酒啐酒

挽手者于挽悅佩巾內則曰婦人亦左佩紛悅

古文說  
作說

次賓羞羊燔主婦興受燔如主人之禮主婦執

爵以出于房西面于主人席北立卒爵執爵拜尸西楹

西北面答拜主婦入立于房尸主人及侑皆就筵

出房  
立卒

爵宜鄉尊不坐者變於主  
人也執爵拜變於男子也

### 右尸酢主婦

上賓洗爵以升酌獻尸尸拜受爵賓西楹西北面拜送

爵尸奠爵于薦左賓降

上賓賓長也謂之上賓以將獻  
異之或謂之長賓奠爵爵止也

### 右賓長三獻尸尸奠爵

主人降洗爵尸侑降主人奠爵于篚辭尸對卒洗揖尸

升侑不升

侑不升尸禮益敬不從

主人實爵酬尸東楹東北面坐

奠爵拜尸西楹西北面答拜坐祭遂飲卒爵拜尸答拜

降洗尸降辭主人奠爵于篚對卒洗主人升尸升主人

實爵尸拜受爵主人反位答拜尸北面坐奠爵于薦左

降洗者

主人

右主人酬尸

尸侑主人皆升筵乃羞宰夫羞房中之羞于尸侑主人



主婦皆右之司士羞庶羞于尸侑主人主婦皆左之

二羞

所以盡歡心房中之羞其籩則糗餌粉飧其豆則醢食  
糝食庶羞羔臠豕臠皆有載醢房中之羞內羞也內羞  
在右陰也庶羞在左陽也

### 右設羞

主人降南面拜衆賓于門東三拜衆賓門東北面皆答

壹拜

拜于門東明少南就之也三拜者衆賓賤旅之也  
衆賓一拜賤也卿大夫尊賓賤純臣也位在門東

今文壹主人洗爵長賓辭主人奠爵于篚興對卒洗升

為一

酌獻賓于西階上長賓升拜受爵主人在其右北面答

拜宰夫自東房薦脯醢醢在西司士設俎于豆北羊骼

一腸一胃一切肺一膚一

羊骼羊左骼上賓一體賤也薦與設俎者既則俟于西序

端古文  
骼為骼

賓坐左執爵右取肺揆于醢祭之執爵興取肺

坐祭之祭酒遂飲卒爵執以興坐奠爵拜執爵以興主

人答拜受爵賓坐取祭以降西面坐委于西階西南

成祭

於上尊賓也取祭以降反下位也反下  
位而在西階西南已獻尊之祭脯肺

宰夫執爵以從

設于祭東司士執俎以從設于薦東衆賓長升拜受爵

主人答拜坐祭立飲卒爵不拜既爵

既盡也長賓升者  
以次第升受獻言

眾賓長拜則其餘不拜

宰夫贊主人酌若是以辯

主人每獻一人奠空爵于柶宰

夫酌授于尊南今文若為如辯皆為徧

辯受爵其薦脯醢與胾設于其位

其位繼上賓而南皆東面其胾體儀也

徧獻乃薦略之亦宰夫薦司士

胾儀者尊體盡儀度餘骨可用而用之尊者用尊體卑者用卑體而已亦有切肺膚今文儀皆為臠或為議

乃升長賓主人酌酢于長賓西階上北面賓在左

主人酌自

酢序賓意賓卑不敢酢

主人坐奠爵拜執爵以興賓答拜坐祭遂

飲卒爵執爵以興坐奠爵拜賓答拜賓降

降反位

右主人獻賓辯

宰夫洗觶以升主人受酌降酬長賓于西階南北面賓  
在左主人坐奠爵拜賓答拜坐祭遂飲卒爵拜賓答拜  
宰夫授主人觶則受其虛爵奠于篚古文酌為爵主人洗賓辭主人坐奠爵于  
篚對卒洗升酌降復位賓拜受爵主人拜送爵賓西面  
坐奠爵于薦左

右主人酬賓

主人洗升酌獻兄弟于阼階上兄弟之長升拜受爵主  
人在其右答拜坐祭立飲不拜既爵皆若是以辯

兄弟長幼

立飲賤不別大夫之賓尊於兄弟宰夫不贊酌者兄弟以親昵來不以官待之辯受爵其位在

洗東西面北上升受爵其薦胥設于其位

亦辯獻乃薦既云辯矣復

言升受爵者為衆兄弟言也衆兄弟升不拜受爵先著其位於上乃後云薦胥設于其位明位初在是也位不繼於主人而云洗東卑不統於尊此薦胥皆使私人其先生之胥折脅一膚一生

長兄弟折豕左肩之折

其衆儀也

右主人獻兄弟

主人洗獻內賓于房中南面拜受爵主人南面于其右

答拜

內賓姑姊妹及宗婦獻于主婦之席東主人不西面尊不與為賓主禮也南面于其右主人之位恒

左人坐祭立飲不拜既爵若是以辯亦有薦胥亦設薦胥於其位特

牲饋食禮記曰內賓立于房中西墉下東面南上宗婦北堂東面北上

### 右主人獻內賓

主人降洗升獻私人于阼階上拜于下升受主人答其長拜乃降坐祭立飲不拜既爵若是以辯宰夫贊主人酌主人於其羣私人不答拜其位繼兄弟之南亦北上

亦有薦胥

私人家臣已所自謁除也大夫言私人明不純臣也士言私臣明有君之道北上不敢專

其位亦有薦胥初亦北面在衆賓之後爾言繼者以爵既獻為文凡獻位定

主人就筵

古文曰升

筵就

右主人獻私人

尸作三獻之爵

上賓所獻爵不言三獻作之者賓尸而尸益卑可以自舉

司士羞清

魚縮執俎以升尸取膾祭祭之祭酒卒爵

不羞魚と清略小味也羊

有正俎羞と清肉清豕無正俎魚無と清隆汚之殺

司士縮奠俎于羊俎南橫載

于羊俎卒乃縮執俎以降尸奠爵拜三獻北面答拜受

爵酌獻侑侑拜受三獻北面答拜司馬羞清魚一如尸

禮卒爵拜三獻答拜受爵

司馬羞清魚變於尸

酌致主人主人拜

受爵三獻東楹東北面答拜

賓拜於東楹東以主人拜受於席就之

司士

羞一涓魚如尸禮卒爵拜三獻答拜受爵尸降筵受三

獻爵酌以酢之

既致主人尸乃酢之遂賓意

三獻西楹西北面拜受爵

尸在其右以授之尸升筵南面答拜坐祭遂飲卒爵拜  
尸答拜執爵以降實于篚

### 右賓長終三獻

二人洗觶升實爵西楹西北面東上坐奠爵拜執爵以  
興尸侑答拜坐祭遂飲卒爵執爵以興坐奠爵拜尸侑



答拜皆降

三獻而禮小成使二人舉爵序殷勤於尸侑

洗升酌反位尸侑皆

拜受爵舉觶者皆拜送侑奠觶于右

奠于右者不舉也神惠右不舉變於

飲酒尸遂執觶以興北面于阼階上酬主人主人在右

尸拜

於阼階上酬禮殺

坐奠爵拜主人答拜不祭立飲卒爵不拜既

爵酌就于阼階上酬主人

言就者主人立待之

主人拜受爵尸拜

送

酬不奠者急酬侑也

尸就筵主人以酬侑于西楹西侑在左坐

奠爵拜執爵興侑答拜不祭立飲卒爵不拜既爵酌復

位侑拜受主人拜送

言酌復位明授於西階上

主人復筵乃升長賓

侑酬之如主人之禮

遂旅也言升長賓則有贊呼之

至于衆賓遂及兄

弟亦如之皆飲于上

上西階上

遂及私人拜受者升受下飲

私人之長拜於下升受兄弟之爵下飲之

卒爵升酌以之其位相酬

其位兄弟

南位亦拜受拜送升酌由西階

卒飲者實爵于篚

末受酬者雖無所旅猶飲

乃羞庶

羞于賓兄弟內賓及私人

無房中之羞賤也此羞同時羞則酌房中亦旅其始主婦

舉酬於內賓遂及宗婦

## 右旅酬

兄弟之後生者舉觶于其長

後生年少也古文觶皆為爵延景中詔校書定作觶

洗升酌降北面立于阼階南長在左坐奠爵拜執爵以

興長答拜

長在左  
辟主人

坐祭遂飲卒爵執爵以興坐奠爵拜

執爵以興長答拜洗升酌降長拜受于其位舉爵者東

面答拜爵止

拜受答拜不北面者儻尸禮殺長賓  
言奠兄弟言止互相發明相待也

右兄弟舉觶于長兄弟

賓長獻于尸如初無滴爵不止

賓長者賓之長次上賓  
者非即上賓也如初如

其獻侑酌致主人受尸酢也無滴爵不止別如初者  
不使兄弟不稱加爵大夫尊也不用觶大夫尊者也

右衆賓長獻

賓一人舉爵于尸如初亦遂之於下

一人次賓長者如初如二人洗解之

為也遂之于下者遂及賓兄弟下至于私人故言亦遂之于下也上言無清爵不止互相發明

### 右更為旅酬

賓及兄弟交錯其酬皆遂及私人爵無算

算數也長賓取解酬兄弟

之黨長兄弟取解酬賓之黨唯已所欲無有次第之數也

### 右無算爵

尸出侑從主人送于廟門之外拜尸不顧

拜送之

拜侑與

長賓亦如之衆賓從

從者不拜送也

司士歸尸侑之俎

尸侑尊送其家

主人退

反於寢也

有司徹

徹堂上下之薦俎也外賓尸雖堂上婦人不徹

右送尸

若不賓尸

不賓尸謂下大夫也其牲物則同不得備其禮耳舊說云謂大夫有疾病攝昆弟祭曾子

問曰攝主不厭祭不旅不假不綏祭不配布奠于賓賓奠而不舉而此備有似失之矣

則祝侑亦

如之

謂尸七飯時

尸食

八飯

乃盛俎臠臂肫臠脊橫脊短脅代

胾皆牢

盛者盛于所俎也此七體羊豕其脊脅皆取一骨也與所舉正脊幹骼凡十矣肩未舉既舉而

俎猶有

魚七

盛半也魚十有五而俎其一已舉必盛半者魚無足異於牲象脊脅而已

腊辯

無髀

亦盛半也所盛者右體也脊屬焉言無髀者云一純而俎嫌有之古文髀作脾

卒盛乃舉

牢肩尸受振祭臍之佐食受加于所已佐食取一俎于

堂下以入奠于羊俎東

不言魚俎東主于尊

乃撫于魚腊俎俎釋

三个其餘皆取之實于一俎以出

个猶枚也魚撫四枚腊撫五枚其所釋者

腊則短脅正脅代脅魚三枚而已古文撫為標祝主人之魚腊取于是

祝主人主婦俎

之魚腊取於此者大夫之禮文待神餘也三者各取一魚其腊主人臂主婦臠祝則骼也與此皆於鼎側更載焉不言主尸不飯告飽主人拜脩不言尸又三飯

凡十飯

士九飯大夫十一飯其餘有十三飯十五飯

佐食受牢舉如賓

舉肺脊

右不賓尸正祭

以下皆下大夫不賓尸之禮

主人洗酌醕尸賓羞肝皆如賓禮卒爵主人拜祝受尸  
爵尸答拜祝酌授尸尸以醋主人亦如賓其綏祭其嘏  
亦如賓肝宰肝也綏皆當作按按讀為藏其隋之隋古文為揆其獻祝與二佐食  
其位其薦胥皆如賓

右主人獻

主婦其洗獻于尸亦如賓

自尸侑不飯告飽至此與賓同者在上篇

主婦反

取籩于房中執棗糗坐設之棗在稷南糗在棗南婦贊  
者執栗脯主婦不興受設之栗在糗東脯在棗東主婦

興反位

棗饋食之邊糗羞邊之實雜用之下賓尸也栗脯加邊之實也反位反主人之北拜送爵位

尸左執爵取棗糗祝取栗脯以授尸尸蕪祭于豆祭祭

酒啐酒次賓羞牢燔用俎鹽在右尸蕪取燔揆于鹽振

祭齊之祝受加于胙卒爵主婦拜祝受尸爵尸答拜

自

婦反取邊至祝受加于胙此異于賓祝易爵洗酌授尸尸以醋主婦主婦

主人之北拜受爵尸答拜主婦反位又拜上佐食綏祭

如賓卒爵拜尸答拜

主婦夾爵拜為不賓尸降崇敬今文醋曰酢

主婦獻祝

其酌如賓拜坐受爵主婦主人之北答拜

自尸卒爵至此亦與賓同



者亦在上篇

宰夫薦棗糗坐設棗于菹西糗在棗南祝左執

爵取棗糗祭于豆祭祭酒啐酒次賓羞燔如尸禮卒爵

內子不薦邊祝賤使官可也自宰夫薦至賓羞燔亦異于饋

主人受爵酌獻二佐食

亦如饋主婦受爵以入于房

### 右主婦獻

賓長洗爵獻于尸尸拜受賓戶西北面答拜爵止

尸止爵者

以三獻禮成欲神惠之均於室中是以奠而待之

主婦洗于房中酌致于主人

主人拜受主婦戶西北面拜送爵司宮設席

拜受乃設席變於士

也

主婦薦韭菹醢坐設于席前菹在北方婦贊者執棗

糗以從主婦不興受設棗于菹北糗在棗西佐食設俎

臂脊脅肺皆牢膚三魚一腊臂

臂左臂也特牲五體此三者以其牢與腊臂而七

牢腊俱臂亦所謂腊如牲體

主人左執爵右取菹揔于醢祭于豆間

遂祭邊奠爵興取牢肺坐絕祭臠之興加于俎坐挽手

祭酒執爵以興坐卒爵拜

無從者變於士也亦所謂順而撫也

主婦答拜

受爵酌以醋戶內北面拜

自酢不更爵殺

主人答拜卒爵拜

主人答拜主婦以爵入于房尸作止爵祭酒卒爵賓拜

祝受爵尸答拜

作止爵乃祭酒亦變於士自爵止至作止爵亦異於賓

祝酌授尸

賓拜受爵尸拜送坐祭遂飲卒爵拜尸答拜獻祝及二

佐食洗致爵于主人

洗致爵者以承佐食賤新之

主人席上拜受爵

賓北面答拜坐祭遂飲卒爵拜賓答拜受爵酌致爵于

主婦主婦北堂司宮設席東面

北堂中房以北東面者變於士妻賓尸不變者

賓尸禮異矣內子東面則宗婦南面西上內賓自若東面南上

主婦席北東面拜受爵

賓西面答拜

席北東面者北為下

婦贊者薦韭菹醢菹在南方婦

人贊者執棗糗授婦贊者婦贊者不興受設棗于菹南

粢在棗東

婦人贊者宗婦之弟婦也

佐食設俎于豆東羊臠豕折羊

脊脅祭肺一膚一魚一腊臠

豕折豕折骨也不言所折畧之特牲主婦敲折豕無

脊脅下主人羊豕四體與脂臠而五

主婦升筵坐左執爵右取菹揆于醢

祭之祭邊奠爵興取肺坐絕祭臠之興加于俎坐扱手

祭酒執爵興筵北東面立卒爵拜

立飲拜既爵者變於大夫

賓答拜

賓受爵易爵于篚洗酌醋于主人戶西北面拜主人答

拜卒爵拜主人答拜賓以爵降奠于篚

賓獻及二佐食至此亦異於賓

乃羞宰夫羞房中之羞司士羞庶羞于尸祝主人主婦

內羞在右庶羞在左

右賓長獻

中間尸止爵主婦致爵于主人

主人降拜衆賓洗獻衆賓其薦胾其位其酬醋皆如儻  
禮主人洗獻兄弟與內賓與私人皆如儻禮其位其薦  
胾皆如儻禮卒乃羞于賓兄弟內賓及私人辯

自乃羞至私人

之薦胾此亦與儻同者在此篇不賓尸則祝猶侑耳卒已也乃羞者羞庶羞

右主人獻衆賓兄弟內賓私人

賓長獻于尸尸醋獻祝致醋賓以爵降實于篚

致謂致爵于主

人主婦不言如初者  
爵不止又不及佐食

### 右次賓長獻

賓兄弟交錯其醕無算爵

此亦與饋同者在此篇

### 右無算爵

利洗爵獻于尸尸醕獻祝祝受祭酒啐酒奠之

利獻不及主人殺也

此亦異於饋

### 右利獻

主人出立于阼階上西面祝出立于西階上東面祝告

于主人曰利成祝入主人降立于阼階東西面尸設祝  
前尸從遂出于廟門祝反復位于室中祝命佐食徹尸  
俎佐食乃出尸俎于廟門外有司受歸之徹阼薦俎

自主

人出至此與備離者也先養徹主人薦俎者變于士特牲饋食禮曰徹阼俎豆邊設于東序下乃養如

賓

謂上篇自司宮設對席至此餼興出也古文養作餼

右告利成尸出徹俎養

卒養有司官徹饋饌于室中西北隅南面如饋之設右

几扉用席

官徹饋者司馬司士舉俎宰夫取敦及豆此於尸設改饌當室之白孝子不知神之所在

庶其饗之於此所以為厭飫不令婦人改徹饌敦豆變  
於始也尚使官也佐食不舉羊豕俎親餼尊也非隱也  
古文右作伯非作弗納一尊于室中陽厭殿無玄酒司宮埽祭埽豆間之祭舊說云

埋之西  
階東

主人出立于阼階上西面祝執其俎以出立于

西階上東面司宮闔牖戶

閉牖與戶為鬼神或者欲幽闇

祝告利成乃

執俎以出于廟門外有司受歸之衆賓出主人拜送于

廟門外乃反

拜送賓也者亦拜送其長不言長賓者下大夫無尊賓也

婦人乃徹

徹祝

之薦及房中薦俎不使有司者下上大夫之禮

徹室中之饌

有司饌之婦人徹之外內相薦禮殺

右陽厭事畢



禮書綱目卷四十一

欽定四庫全書

禮書綱目卷四十二

婺源江永撰

天子諸侯廟

吉禮九

補

自天子達於庶人祭從生者

詳見祭法

王者禘其祖之所

自出以其祖配之

禘大祭也始祖感天神靈而生祭天則以祖配之自外至者無主不止

而立四廟

高祖以下與始祖而五

庶子王亦如之

世子有廢疾不可立而庶子立

其祭天立廟亦如世子之立也春秋時衛侯元有兄縶喪服小記

父為士子為天子

諸侯則祭以天子諸侯其尸服以士服

詳見祭法

諸侯不

敢祖天子

詳見宗廟

有天疾者不得入乎宗廟

昭公二十一年穀梁傳

右祭主

武王末受命周公成文武之德追王大

王王季上祀先公以天子之禮斯禮也達乎諸侯

大夫及士庶人

詳見祭法

有虞氏禘黃帝夏后氏亦禘黃帝殷人禘嚳周人禘嚳

詳見祭法此條論四代禘祭始祖所自出

禮不王不禘王者禘其祖之

所自出以其祖配之

凡大祭曰禘自由也大祭其先祖所由生謂郊祀天也王者之先祖

皆感大微五帝之精以生蒼則靈威仰赤則赤熒怒黃則含樞紐白則白招拒黑則汁光紀皆用正歲之正月郊祭之蓋特尊焉孝經曰郊祀后稷以配天配靈威仰也宗祀文王於明堂以配上帝汎配五帝也諸侯

及其大祖

大祖受封君也

大夫士有大事省於其君干祫及其

高祖

大事寇戎之事也省善也善於其君謂免於大難也干猶空也空祫謂無廟祫祭之於壇墀

大傳

趙伯循曰禮記大傳云禮不王不禘王者禘其祖之所自出以其祖配之又喪服小記曰王者禘其祖之所自出又下云禮不王不禘正與大傳同則諸侯不得禘禮明矣是以祭法云有虞氏禘黃帝舜祖顓頊顓頊出於黃帝則所為禘其祖之所自出也而郊譽祖顓頊而宗堯夏后氏亦禘黃帝義同舜也而郊鯀祖顓頊而宗禹殷人禘譽殷祖契出自譽而郊冥祖契而宗湯周人禘譽義與殷同而郊稷祖文王而宗武王禘者帝王立

始祖之廟猶謂未盡其追遠尊先之義故又推尋始祖所出之帝而追祀之以其祖配之者謂於始祖廟祭之而便以始祖配祭也此祭不兼羣廟之主為其疏遠不敢褻狎也鄭玄注祭法云禘為配祭昊天上帝於圜丘也蓋見祭法所說文在郊上謂為郊之最大者故為此說耳祭法所論禘郊祖宗者謂六廟之外永世不絕者有四種耳非闕配祭也禘之所及最遠故先言之爾何闕圜丘哉然則春秋書魯之禘何也曰成王追寵周公故也祭統云成王追念周公賜之重祭郊社禘嘗是也魯之用禘蓋於周公廟而上及文王即周公之所出故也

諸侯及其大祖天子及其始祖之所自出

喪服傳詳見祭

義已上二條  
論不王不禘

大宗伯以肆獻裸享先王以饋食享

先王

肆獻裸饋食在四時之上則是恰也禘也肆者進所解牲醴謂薦熟時也獻獻體謂薦血腥也裸之

言灌灌以鬱鬯謂始獻尸求神時也郊特牲曰魂氣歸於天形魄歸於地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦熟於祫逆言之者與下共文明六享俱然祫言肆獻裸祫言饋食者著有黍稷互相備也魯禮三年喪畢而祫於大祖明年春祫於羣廟自爾以後率五年而再殷祭一祫一禘春官按鄭氏謂祫大於禘故先祫而後禘後儒謂禘大於祫故以肆獻裸為禘饋食為祫其實禘亦有饋食祫亦有肆獻裸故兼載之下章倣此此條周禮通言禘兼及祫

### 司尊彛凡四

時之間祀追享朝享裸用虎彛雌彛皆有舟其朝踐用

兩大尊其再獻用兩山尊皆有壘諸臣之所酢也

鄭司農云

追享朝享謂禘祫也在四時之間故曰間祀大尊大古之瓦尊山尊山壘也明堂位曰泰有虞氏之尊也山壘

夏后氏之尊玄謂追享謂追祭遷廟之主以事有所請  
禱朝享謂朝受政於廟春秋傳曰閏月不告朔猶朝於  
廟雖曷屬印鼻而長尾山壘亦刻而畫之為山  
雲之形 同上 今按追享朝享先鄭說是 郊禘

不過藹栗

角如藹栗郊禘祭天也  
國語楚語按註說非是

天子禘郊之事

必自射其牲王后必自春其粢天子親春禘郊之盛王

后親綵其服

同上詳  
見祭義

禘郊之事則有全烝

注見天神  
篇周語

天府掌祖廟之守藏凡國之玉鎮大寶器藏焉若有

大祭則出而陳之既事藏之

禘祫陳之以華國也詳  
見宗廟春官祫通用

大司樂凡樂黃鍾為宮大呂為角大族為徵應鍾為

羽路鼓路鼗陰竹之管龍門之琴瑟九德之歌九磬之舞於宗廟之中奏之若樂九變則人鬼可得而禮矣

文本

凡樂上有天神地示二節此三者皆禘大祭也天神則主北辰地祇則主崑崙人鬼則主后稷先奏是樂以致其神禮之以玉而裸焉乃後合樂而祭之大傳曰王者必禘其祖之所自出祭法曰周人禘嚳而郊稷謂此祭天園丘以嚳配之詳見祭物同上按注以禘為祭天非是此已上禘祭禮物樂辨之畧其禮節與時祭同者詳見後

右禘

魯禘見下

禘大祭也

五年一次祭爾雅

昔者周公旦

有勲勞於天下周公既沒成王康王追念周公之



所以勲勞者而欲尊魯故賜之以重祭內祭則大  
嘗禘是也夫大嘗禘升歌清廟下而管象朱干玉  
戚以舞大武八佾以舞大夏此天子之樂也康周  
公故以賜魯也

詳見祭義

成王以周公為有勲勞於

天下命魯公世世祀周公以天子之禮樂季夏六  
月以禘禮祀周公於大廟牲用白牡尊用犧象山  
壘鬱尊用黃目灌用玉瓚大圭薦用玉豆雕篋爵  
用玉琖仍雕加以璧散璧角俎用梲歲升歌清廟

下管象朱干玉戚冕而舞大武皮弁素積裼而舞

大夏昧東夷之樂也任南蠻之樂也納夷蠻之樂

於大廟言廣魯於天下也

季夏建巳之月也禘大祭也周公曰大廟魯公

曰世室羣公稱宮白牡殷牲也尊酒器也犧尊以沙羽為畫飾象骨飾之鬱鬯之器也黃彝也灌酌鬱尊以獻也瓚形如槃容五升以大圭為柄是謂圭瓚簋邊屬也以竹為之雕刻飾其直者也爵君所進於尸也仍因也因爵之形為之飾也加加爵也散角皆以璧飾其口也琬始有四足也歲為之距清廟周頌也象謂周頌武也以管播之朱干亦大盾也戚斧也冕冠名也諸公之服自衮冕而下如王之服也大舞周舞也大夏夏舞也周禮昧師掌教昧樂詩曰以雅以南以箏不僭廣大也君

卷冕立于阼夫人副禕立于房中君肉袒迎牲于

門夫人薦豆籩卿大夫贊君命婦贊夫人各揚其

職百官廢職服大刑

副首飾也今之步搖是也詩云副笄六珈周禮追師掌王

后之首服為副禕王后之上服唯魯及王者之後夫人服之諸侯夫人則自揄翟而下贊佐也命婦於內則世婦也於外則大夫之妻也祭祀世婦以下佐夫人揚舉也大刑重罪也明堂位

閔公二年夏五月乙酉吉禘于莊公

三年喪畢致新死者之主

於廟廟之遠主當遷入祧因是大祭以審昭穆謂之禘莊公喪制未闋時別立廟廟成而吉祭又不於大廟故詳

速也

春秋左氏傳

言吉者未可以吉也

書以示讖

都未可以吉祭經舉重不書禘於大廟嫌獨莊公不當禘於大廟可禘者故加吉明大廟皆不當

曷為未可言吉

據三年也

未三年也

禮禘祫從先君數朝聘從今君數三

年喪畢遭禘則禘遭祫則祫公羊傳

吉禘者不吉者也喪事未

畢而舉吉祭故非之也

莊公薨至此方二十二月喪未畢穀梁傳

僖公八年秋七月禘于大廟用致夫人

禘三年大祭之名大

廟周公廟致者致新死之主於廟而列之昭穆夫人淫而與殺不薨於寢於禮不應致故僖公疑其禮歷三禘今果行之嫌異常故書之春秋傳詳見宗廟篇

定公八年冬十

月順祀先公而祈焉辛卯禘于僖公

詳見宗廟

孟獻

子曰正月至可以有事於上帝七月日至可以

有事於祖七月而禘獻子為之也

記魯失禮所由也孟獻子魯大

夫仲孫蔑也魯以周公之故得以正月日至之後郊天亦以始祖后稷配之獻子欲尊其祖以郊天之月對月禘之非也魯之宗廟猶以夏時之孟月耳明堂位曰季夏六月以禘禮祀周公於大廟

雜記

孔子曰魯之郊禘非禮也周公其衰矣

詳見天神

子曰禘自既灌而往者吾不欲觀之矣

趙伯循曰禘王

者之大祭也王者既立始祖之廟又推始祖所自出之帝祀之於始祖之廟而以始祖配之也成王以周公有大勲勞賜魯重祭故得禘於周公之廟以文王為所出之帝而周公配之然非禮矣灌者

方祭之始用鬱鬯之祭灌地以降神也魯之君臣當此之時誠意未散猶有可觀自此以後則浸以懈怠而無足觀矣蓋魯祭非禮孔子本不欲觀至此而失禮之中又失禮焉故發此歎也 八佾

大禘毀廟之主陳于大祖未毀廟之主皆升合食于大

祖五年而再殷祭

詳見本章傳條論大禘陳主

此

大宗伯以肆獻

裸享先王以饋食享先王

注見上章禮論禘祭兼論禘

司尊

彝凡四時之間祀朝享裸用虎彝雉彝皆有舟其朝踐

用兩大尊其再獻用兩山尊皆有壘諸臣之所昨也

詳見

上章

大饗腥

大饗祭先王也禮器

大饗之禮尚玄酒而俎腥

魚大羹不和

詳見祭義

大享尚玄尊俎生魚先大羹大享

尚玄尊而用酒食先黍稷而飯稻粱祭躋大羹而飽乎

庶羞

同上

大饗三牲魚腊籩豆之薦內金束帛加璧龜

為前列金次之丹漆絲纁竹箭其餘無常貨各以國之

所有其出也肆夏而送之

同上

小史大祭祀讀禮法史

以書序昭穆之俎簋

讀禮法者大史與羣執事史此小史也言讀禮法者小史叙俎簋以

為節故書簋或為几鄭司農云凡讀為軌書亦或為簋古文也大祭祀小史主叙其昭穆以其主定繫世祭祀

史主叙其昭穆次其俎簋故齊景公疾欲誅於祝史主謂俎簋牲與黍稷以書次之校比之

春官

天

子之席五重

疏曰熊氏云天子祫祭席五重此文是也  
禘則宜四重也時祭三重司几筵職是也

受神酢席亦然

禮器

今按姑依舊說載於

周旅

酬六尸

使之相酌也后稷之尸不受旅  
禮器已上  
祫祭禮節之畧其與時祭同者詳見後禘章天

府陳寶器  
此章通用

右祫

周旅酬六尸曾子曰周禮其猶醵與

詳見祭通

禮

文公二年八月丁卯大事于大廟大事者何

大祫也

以言大與有事異又從僖  
八年禘數之知為大祫

大祫者何合祭

也其合祭奈何毀廟之主陳于大祖

毀廟謂親過  
高祖毀其廟



藏其主于大祖廟中禮取其廟室簣以為死者炊  
沐大祖周公之廟陳者就陳列大祖前大祖東鄉  
昭南鄉穆北鄉其餘孫從王父父曰昭未毀廟之  
子曰穆昭取其鄉明穆取其北面尚敬

主皆升合食于大祖

自外來曰升

五年而再殷祭

殷盛也謂

三年祫五年禘禘所以異於祫者功臣皆祭也祫  
猶合也禘猶諦也審禘無所遺失禮天子特禘特  
祫諸侯禘則不祫祫則不嘗大夫有  
賜於君然後祫其高祖公羊傳

大事者何

大是事也著祫嘗

祫合也嘗秋祭

祫祭者毀廟之主陳于

大祖未毀廟之主皆升合祭于大祖

祫祭者皆合祭諸廟已毀

未毀者之主於大祖廟中以昭穆為次序父為昭  
子為穆昭南鄉穆北向孫從王父坐也祭畢則復



天子諸侯宗廟之祭春曰禘夏曰禘秋曰嘗冬曰烝

此蓋

夏殷之祭名周則改之春曰祠夏曰禘以禘為殷祭詩小雅曰禘祠烝嘗于公先王此周四時祭宗廟之名

諸侯禘則不禘禘則不嘗嘗則不烝烝則不禘

虞夏之制諸侯

歲朝廢一時祭王制

大宗伯以祠春享先王以禴夏享先王

以嘗秋享先王以烝冬享先王

上有以肆獻裸享先王以饋食享先王二句

宗廟之祭有此六享祭必先灌乃後薦腥薦熟於禘逆言之者與下共文明六享俱然

春官

曰祠

祠之言食

夏祭曰禘

新菜可灼

秋祭曰嘗

嘗新穀

冬祭曰烝

進品

物也爾雅

始殺而嘗

建酉之月陰氣始殺嘉穀始熟故薦嘗於宗廟

閉蟄而烝

建亥之月昆蟲閉戶萬物皆成可薦者衆故  
祫祭宗廟釋例論之備矣 桓五年左氏傳 禘有樂

而嘗無樂

詳見祭義

古者於禘發爵賜服於嘗出田邑發

秋政

同上

嘗之日發公室

同上

肆師嘗之日涖卜來歲

之芟

芟芟草除田也古之始耕者除田種穀嘗者嘗新穀此芟之功也卜者問後歲宜芟不詩云載芟載

作其耕澤澤

春官

大司馬中夏以苗田獻禽以享

已上四時正祭

禘

禘宗廟之夏祭也冬夏田主于祭宗廟者陰陽始起象神之在內 疏曰此祭因田獵獻禽為祭若正祭

自在

中冬以狩田入獻禽以享烝

入又以禽祭宗廟

夏官 此條因獻禽

祭享

右時享 戊辰王在新邑烝祭歲文王騂牛一武

王騂牛一王命作冊逸祝冊惟告周公其後王賓

殺禋咸格王入太室裸

戊辰十二月之戊辰日也是日成王在洛舉烝祭之

禮曰歲云者歲舉之祭也周尚赤故用騂宗廟禮大牢此用特牛者命周公留後于洛故舉盛禮也逸史佚也作冊者冊書也逸祝冊者史逸為祝冊以告神也惟告周公其後者祝冊所載更不他及惟告周公留守其後之意重其事也王賓猶虞賓祀宋之屬助祭諸侯也諸侯以王殺牲禋祭祖廟故咸至也太室清廟中央室也裸灌也以圭瓚酌鉅鬯灌地以降神也

王命周公後

作冊逸誥在十有二月

逸誥者史逸誥周公治洛留後也在十有二月者明

戊辰為十二月  
日也洛誥

夏禘秋嘗冬烝天子之祭也

不言

春祠魯在東方王東巡守  
以春或闕之明堂位

桓公八年春正月己

卯烝春曰祠

薦尚韭卯祠猶食也猶繼嗣也春物始生孝子思親繼嗣而食之故曰祠

因以別死生

夏曰禴

薦尚麥魚麥始熟可禴故曰禴

秋曰嘗

薦尚黍稷嘗者先辭

也秋穀成者非一黍先熟可得薦故曰嘗

冬曰烝

薦尚稻鴈烝衆也氣盛貌冬萬物備成所

薦衆多芬芳備具故曰烝無牲而祭謂之薦天子四時四薦諸侯三祭三薦大夫士再祭再薦祭於室求之於幽祭於堂求之於明祭於祊求之於遠皆孝子博求之意也大夫求諸明士求諸幽尊卑之差也殷人先求諸明周人先求諸幽質文之義也禮天子諸侯卿大夫牛羊豕凡三牲曰大牢天

子元士諸侯之卿大夫羊豕凡二牲曰牢諸侯之士特豕天子之牲角握諸侯角尺卿大夫索牛

常事不書此何以書譏亟也

亟數也屬十二月已

祭名而言烝者取冬祭所薦衆多可以包四時之物

亟則黷黷則不敬

黷深也

君子之祭也敬而不黷

君子生則敬養死則敬享故將祭宮室既脩牆屋既

繕百物既備序其禮樂具其百官散齊七日致齋三日夫婦齊戒沐浴盛服君牽牲夫人奠酒君親獻尸夫人薦豆卿大夫相君命婦相夫人洞洞乎屬屬乎如弗勝如將失之濟濟乎致其敬也愉愉乎盡其忠也勿勿乎其欲饗之也文王之祭事死如事生孝子之至也

疏則怠怠則

忘

怠

士不及茲四者則冬不裘夏不葛

禮本下為士制茲此

也四者四時祭也疏數之節靡所折中是故君子合諸天道感四時物而思親也祭必於夏之孟月者取其見新物之日也裘葛者禦寒暑之美服士有公事不得及此四時祭者則不敢美其衣服蓋思念親之至也故孔子曰吾不與祭如不祭春秋公羊傳 烝冬事也春興

之志不時也夏五月丁丑烝烝冬事也春夏興之

黷祀也志不敬也

穀梁傳

古者天子諸侯必有養獸之官及歲時齊戒沐浴而躬朝之犧牲祭牲必於是取之君召牛納而視之擇其毛而卜之吉然後養之君皮弁素積朔月月半君巡牲

歲時



齊戒沐浴而躬朝之謂將祭祀卜牲君朔月月半

牧

人凡陽祀用騂牲毛之

陽祀祭天於南郊及宗廟地官

宗廟之牛

角握

握謂長不出膚王制

烝嘗不過把握

握長不出把者國語楚語

充人掌繫祭祀之牲拴祀五帝則繫于牢芻之三月享

先王亦如之

三月一時節氣成地官

牛人凡祭祀共其享牛求

牛以授職人而芻之

享獻也獻神之牛謂所以祭者也求終也終事之牛謂所以繹者也

同

上

右養牲

凡通用者詳見祭物犧牲章

大事有時日

大事有事於大神有常時常日也

內事用柔日

事之外內別乎四郊

表記

少牢篇注引禘于大廟禮曰不得丁亥則己亥辛亥亦用之無則苟有亥焉者可也

大宰

祀五帝前期十日帥執事而卜日享先王亦如之

前期前所

詠之日也十日容散齊七日致齊

大宗伯享大鬼帥

三日執事宗伯大卜之屬

天官

執事而卜日

執事諸有事於祭者主人朝服疏曰主人朝服者為祭而筮還

春官

少牢筮日

服祭服是以特牲筮亦服祭服主端以此而言天子諸侯為祭卜筮亦服祭服衆司服云享先王則袞冕祭義

云易抱龜南面天子袞冕北面雖有明知之心必進斷其志焉是為祭而服還服祭服則諸侯為祭卜筮服祭

服可

知

右卜日

凡通用者詳見祭通禮卜筮章

大宰祀五帝前期十日帥執事而卜日遂戒享先王亦

如之

既卜又戒百官以始齊天官

及時將祭君子乃齊散齊七日

致齊三日

詳見祭義

致齊於內散齊於外齊之日思其居

處思其笑語思其志意思其所樂思其所嗜齊三日乃

見其所為齊者

致齊思此五者也散齊七日不御不樂不弔耳見其所為齊者思之熟也所嗜素

所欲飲食也春秋傳曰屈到嗜芰

祭義

世婦掌女宮之宿戒

女宮刑女給宮中事

者宿戒當給事豫告之齊戒也

春官

先期旬有一日宮宰宿夫人夫

人亦散齊七日致齊三日

宮宰守宮官也宿讀為肅肅猶戒也戒輕肅重也

君

致齊於外夫人致齊於內

祭統

右齊戒

凡通用者詳見祭通禮齊戒章又大祭前有習射擇士之禮詳見通禮擇士章

大宰祀五帝掌百官之誓戒與其具脩享先王亦如之

誓戒要之以刑重失禮也明堂位所謂各揚其職百官廢職服大刑是其辭之畧也具所當共脩埽除糞洒

天官

世婦及祭祀比其具

比次也具所濯概及菜盛之爨鄭司農讀比為庀庀具也

帥六宮之人共齋盛

帥世婦女御春官

寺人若有祭祀之事

則帥女宮而致於有司

有司謂公卿世婦天官

諸侯宗廟之事

夫人必自春其盛

國語楚語

春秋脩其祖廟

脩謂埽糞也中廟

掌蜃祭祀共白盛之蜃

盛猶成也謂飾牆使白之蜃也地官

將祭祀

其廟則有司脩除之其祧則守祧黜陟之

詳見宗廟

隸僕

祭祀脩寢

詳見宗廟

右戒具脩廟

凡通用者詳見通禮戒具章及祭物采盛庶羞酒齊祭器薪菜祭服等章

孫為王父尸所使為尸者於祭者子行也

子行猶子列也祭祖則用

孫列皆取於同姓之適孫也

祭統

特牲疏云天子

諸侯宗廟之祭亦用孫之倫為尸但天子諸侯雖用孫

之倫取卿大夫有爵者為之故鳧鷖詩祭尸之等皆言

公尸又曾子問云卿大夫將為尸於公尸服見祝迎

尸章

為君尸者大夫士見之則下之君知所以為尸者

則自下之

尊尸也下下車也國君或時幼少不能盡識羣臣有以告者乃下之

尸必式

禮之

乘必以几

尊者慎也

曲禮

右卜尸

表記不違卜筮疏云特牲少牢大夫士筮尸則天子諸侯有卜尸少牢疏云天子諸

侯前期十日卜得吉日則戒諸官散齊至祭前三

日卜尸得吉又戒宿諸官使之致齊士卑不嫌得

與人君同三日筮尸但下人君不得散齊七日耳

大夫尊不敢與人君同直散齊九日前祭一日筮

尸并宿諸官致齊也按本章曲禮疏古者致齊

各於其家散齊猶出在路故有君臣於路見尸之

禮然則天子諸侯卜尸當在散齊之日而此疏謂

祭前三日卜尸未知孰是又按卜尸既吉則遂

宿尸曾子問云卿大夫將為尸於公受宿矣是也  
少牢疏云特牲宿尸使宗人擯主人辭又有祝其  
傳命士卑不嫌兩有與人君同此大夫尊下人君  
故闕之唯有祝擯而已按此則天子宿尸當使大  
宗伯擯辭而大祝為之傳命也 齊嘗于大公之廟麻嬰為尸 公為

尸 襄二十  
八年左氏傳

世婦掌祭祀之事帥女宮而濯概為盥盛

概拭也為猶  
差擇天官

女御凡祭祀贊世婦

助其師涖女  
宮同上

寺人佐世婦治

禮事

世婦二十七世婦  
此二條祭日陳設通用

封人凡祭祀飾其牛

牲設其楅衡置其絳

飾謂刷治潔清之也鄭司農云楅  
衡所以楅持牛也絳著牛鼻繩所

以牽牛者皆謂夕牲時也

地官

**陳其犧牲**

疏曰謂將祭之夕省牲之時及祭日之旦迎牲

而入麗於碑案持牲禮陳鼎于門外北面獸在鼎南東首牲在獸西西北首其天子諸侯夕省牲之時亦陳于廟門外橫行西上

**備其鼎俎**

按此句疏引少牢皆據烹牲及舉鼎七載時其

祭日陳設通用

實祭前夕亦當陳之以待視濯故兩載之

**列其琴瑟管磬鍾鼓**

疏曰琴瑟在堂而登歌故

書云搏拊琴瑟以詠是也管磬鍾鼓堂下之樂書云下管鼗鼓笙鏞以間是也其歌鍾歌磬亦在堂下

按琴瑟不先列升歌時工荷之而八此連言之耳

**典庸器祭祀帥其屬而設**

**筍簋**

設筍簋視瞭當以縣樂器焉

春官

**大司樂大祭祀宿縣遂以聲**

**展之**

叩聽其聲具陳次之以知完否

同上

**大宰祀五帝及執事眡滌**



濯享光王亦如之

執事初為祭事祭前日之夕滌濯謂溉祭器及甑甗之屬 天官

大宗伯享大鬼宿眡滌濯

滌濯溉祭器也 春官

小宗伯大祭

祀省牲眡滌濯

同上

充人展牲則告拴

展牲若今夕牲也特牲饋食之

禮曰宗人視牲告充舉獸尾告備近之地官

右祭前夕滌濯陳設省眡

凡通用者詳見通禮省眡章又視濯省牲後有

為期一節附見下章注

雞人大祭祀夜嘑旦以詔百官

夜夜漏未盡雞鳴時也呼旦以警起百官使夙

興凡國事為期則告之時

象雞知時也告其有司主事者少牢曰宗人朝服北面曰

請祭期主人曰此於子宗人曰旦明行事告時者至此旦明而告之春官

### 掌次凡祭祀

張其旅幕張尸次

旅衆也公卿夕下即位所祭祀之門外以待事為之張大幕尸則有幄鄭

司農云尸次祭祀之尸所居更衣帳按上文朝日祀五帝則張大次小次設重幣重案注云大幄初往所止居小幄既接祭退俟之處此宗廟之祭宜亦有之天官

### 小宗伯毛六牲辨其名

物而頒之於五官使共奉之

毛擇毛也鄭司農云司徒主牛宗伯主雞司馬主馬

及羊司寇主犬司空主豕按宗廟不用馬牲則用五牲而已春官上章陳其犧牲此條通用

封

人凡祭祀飾其牛牲設其楅衡置其絳見上共其水橐

水橐給殺牲時洗薦牲也地官

牛人凡祭祀共其牛牲之互與其

盆簋以待事

鄭司農云互謂槁衡之屬盆簋皆器名盆所以盛血簋受肉籠也玄謂互若今屠家

縣內格

同上

小宗伯辨六彝之名物以待果將

六彝難辨鳥彝掌彝

黃彝虎彝堆彝果讀為裸

辨六尊之名物以待祭祀

待者有事則給之鄭司農云六

尊獻尊象尊壺尊著尊大尊山尊

春官

肆師及果築鬻

果築鬻者所築鬻以裸也鄭司

農云築煮築香草煮以為鬯

同上

鬱人掌裸器

裸器謂彝及舟與璫

凡祭祀之

裸事和鬱鬯以實彝而陳之

築鬱金煮之以和鬯酒鄭司農云鬱草名十葉為貫

百二十貫為築以煮之鑊中停於祭前鬱為草若蘭

凡灌玉濯之陳之

裸玉謂圭璫璋璫

同上 裸器

詳見裸章

司尊彝掌六尊六彝之位詔其酌辨其

用與其實

位所陳之處酌沛之使可酌各異也用四時祭祀所用亦不同實鬱及醴齊之屬凡

六彝六尊之酌鬱齊獻酌醴齊縮酌盞齊浼酌凡酒脩

酌

凡此四者裸用鬱齊朝用醴齊饋用盞齊諸臣自酢用凡酒唯大事于太廟備五齊三酒注詳見祭物

上

同

玄酒在室醴醅在戶粢醕在堂澄酒在下

粢讀為齊

聲之誤也周禮五齊一曰泛齊二曰醴齊三曰盞齊四曰醕齊五曰沈齊字雖異醕與盞澄與沈蓋同物也奠之不同處重古畧近也禮運今按玄酒以配齊尊當各陳於齊尊之西而此列於室內近北者賈氏曰謂鬱鬯在室中而玄酒即明水也以配鬱鬯故在室疑此說是又按此不及泛齊者或省文或時裕用此四齊疏謂禘用四齊恐不然也又按設尊之法約注疏諸家之說春夏雞彝鳥彝陳室內近北獻尊陳戶內象尊陳戶

外秋冬筭彝黃彝陳室內近北著尊陳戶內壺尊陳戶外其壺尊皆陳堂下凡尊皆南面明水玄酒在西

廟堂之上壺尊在阼犧尊在西

犧周禮作獻疏曰壺尊在阼謂夫人所酌也

犧尊在西謂君所酌也熊氏云此謂諸侯時祭所用之禮故壺尊夫人所酌也若天子之祭則壺尊在堂下故禮運云澄酒在下酒謂三酒司尊彝云皆有壺諸臣之所酢則后不酌壺也禮器按下文君西酌犧象則西階上更有象尊此不言者省文也酒正凡祭祀以灋共五齊三酒以

實八尊大祭三貳皆有酌數唯齊酒不貳

大祭王服大裘衮冕所祭

也謂就三酒之尊而益之也益之者以飲諸臣詳見祭物天官今按時祭共二齊三酒以實五尊并明

水玄酒尊

為十尊 冪人以畫布巾冪六彝

宗廟可以文畫者畫其雲氣與同

上 按禮運與其越席疏布以冪疏曰越席謂蒲席疏布謂麤布若依周禮越席疏布是祭天之物此經云若

與夫人則宗廟之禮也此蓋記者雜陳夏殷諸侯之禮故雖宗廟而用越席疏布也 典庸器祭

祀陳庸器

庸器伐國所獲之器若宗鼎貫鼎及其兵物所鑄銘也 春官

陳其宗

器

宗器祭器也 朱子曰宗器先世所藏之重器若周之赤刀大訓天球河圖之屬也 中庸

世

婦及祭之日涖陳女宮之具凡內羞之物

涖臨也內羞房中之羞

天官 上章女御寺人兩條此條通用

內豎若有祭祀之事則為內人

蹕

內人從世婦有事於廟者內豎為六官蹕者以其掌內小事 同上

大宗伯享大鬼

涖玉鬯省牲鑊奉玉盥

鑊烹牲器也 春官

小宗伯大祭祀祭

之日逆盥

逆盥受饗人之盛以入同上

小祝大祭祀逆盥盛

同上按

此條逆盥盛在迎尸之上小宗伯云祭之日逆盥省饗告時於王告備於王肆師云祭之日表盥盛告絜展器陳告備據此諸文逆盥當在嚮祭之晨而此疏云饋獻後尸將入室乃迎盥恐不然也

舍人凡

祭祀共簠簋實之陳之

方曰簠圓曰簋盛黍稷稻粱器地官按簠盛黍稷為正饌

簠盛稻粱為加饌天子八簋諸侯六簋簋之數未聞凡賓客之禮簋皆少於簠則祭時宜亦倣此天子蓋四簋諸侯蓋二簋天子用六

肆師祭之日表絜盛告絜展

器陳告備

絜六穀也在器亦盛陳陳列也故書表為剝剝表皆謂徽識也

鋪筵

設同几

同之言詞也祭者以其祀配亦不特几也

祭統

司几筵凡大朝覲

王設莞筵紛純加繅席畫純加次席黼純左右玉几緣純

也紛如綬有文而狹者繅席削蒲蒻展之編以五采若今合歡矣畫謂雲氣也次席桃枝席有次列成文祀

先王亦如之

疏曰祀先王謂宗廟六享皆用上三種席諸侯祭祀席蒲筵績

純加莞席紛純右雕几

績畫文也不莞席加繅者繅柔礪不如莞清堅又於鬼神宜

凡吉事變几

吉事王祭宗廟裸於室饋食於堂繹於祊每事易几神事文示新之也春官

大宰享先王贊玉几

玉几所以依神天子左右玉几天官已上三條朝踐章坐尸於

堂通

司巫祭祀則共匱主及道布及菹館

道布者為神所設巾

中霤禮曰以功布為道布屬于几也菹之言藉也祭食有當藉者館所以承菹謂若今筐也主先匱菹後館互



言之者明共主以匭共菹以篚大祝取其主菹陳之器則退也士虞禮曰苴剝茅長五寸實于篚饌于西北上又曰祝盥取直降洗之升入設于几東席上東縮春官按士虞禮疏云天子吉祭亦有茅苴以藉祭

小宗伯告時於王告備於王

時薦陳之晚早備謂饌具同上

右祭日陳設

禮運疏用酒之法崔氏云周禮大裕於太廟則備五齊三酒朝踐王酌泛

齊后酌醴齊饋食王酌盞齊后酌醢齊朝獻王酌泛齊因朝踐之尊再獻后酌醢盞因饋食之尊諸侯為賓則酌沈齊尸酢王與后皆還用所獻之齊賓長醕尸酢用清酒加爵亦用三酒大禘則用四齊三酒者醴齊以下悉用之朝踐王酌醴齊后酌盞齊饋食王酌醢齊后酌沈齊朝獻王酌醴齊再獻后還酌沈齊亦尊相因也諸侯為賓亦酌沈齊用三酒之法如祫禮也四時之祭唯二齊三酒則

自祫禘以下至四時祭皆通用也二齊醴盥也朝踐王酌醴齊后亦酌醴齊饋食王酌盥齊后亦酌盥齊朝獻王還用醴齊再獻后還用盥齊亦尊相因也諸侯為賓亦酌盥齊三酒同於祫魯及王者之後大祫所用與王祫同若禘與王四時同侯伯子男祫禘皆用二齊醴盥而已三酒則並用用二齊之法朝踐君夫人酌醴齊饋食君夫人酌盥齊朝獻君還酌醴齊再獻夫人還酌盥齊諸臣為賓酌盥齊尸酢君夫人用昔酒酢諸臣用事酒加爵皆清酒時祭用一齊故禮器云君親制祭夫人薦盥君親割牲夫人薦酒其行之法朝踐君制祭則夫人薦盥進熟時君親割夫人薦酒朝獻時君酌盥齊以醕尸再獻時夫人還酌酒賓獻皆酒加爵如禘祫之禮天子諸侯酌奠皆用齊卿大夫之祭酌奠皆用酒祫祭在秋案司尊彘秋嘗用兩著尊饋獻用兩壺尊則泛齊醴齊各以著尊盛之盥齊

醢齊沈齊各以壺尊盛之又五齊各有明水之尊  
凡十尊三酒各加玄酒凡六尊通彛彛盛明水黃  
彛盛鬱鬯此有十八尊具明水玄酒陳之各在五  
齊三酒之上禘祭在夏醴齊盞齊盛以犧尊醢齊  
沈齊盛以象尊時祭用二齊者春夏用犧尊盛醢  
齊用象尊盛沈齊秋冬用著尊盛醴齊用壺尊盛  
盞齊是一齊用一尊司尊彛皆云兩者以一尊盛  
明水也 按前說謂時祭惟用醴盞二齊後又謂  
春夏用醢沈秋冬用醴盞自相抵牾覽者詳之其  
言禘祫用齊之差及所用尊彛之異亦恐未必然  
鄭司農謂追享朝享為禘祫則禘  
祫彛當用虎雉尊當用天山耳

司服王之吉服享先王則衮冕享先公則鷩冕

詳見祭物

追師掌王后之首服為副追衡笄

副服之以從王祭祀詳見祭物

內司服掌王后之服褱衣揄狄闕狄素紗

從王祭先王則服褱衣祭

先公則服揄狄

詳見祭物

閭人大祭祀之事設門燎蹕宮門廟

門

燎地燭也蹕止行者廟在中門之外天宮

宮正凡邦之事蹕宮中廟

中則執燭

事祭事也邦之祭社稷七祀於宮中祭先公先王於廟中隸僕掌蹕止行者宮正則執燭

以為明春秋傳曰有大事於大廟又曰有事于武宮同上

大司樂大祭祀王出

入則令奏王夏

疏曰王出入謂王將祭祀初入廟門及祭訖出廟門皆令奏王夏也春官

大僕祭祀正王之服位詔灋儀

詔告也夏官

內宰正后

之服位

位謂房中戶內及阼所立處天宮按婦人入廟當由闈門

君夫人會於

大廟君純冕立於阼夫人副禕立於東房

大廟始祖廟也祭統

君在阼夫人在房

人君尊東也天子諸侯有左右房禮器

大史祭之

日執書以次位常

謂校呼之教其所當居之處春官

祭有昭穆有事

於大廟則羣昭羣穆咸在而不失其倫

昭穆咸在同宗父子皆來祭

統

公族其在外朝則以官其在宗廟之中則如外朝

之位宗人授事以爵以官

宗人掌禮及宗廟也以爵貴賤異位也以官官有所掌也

若司徒奉牛司馬奉羊司空奉豕文王世子按特牲記公有司門西北面東上獻次衆賓私臣門東北面

西上獻次兄弟疏云天子諸侯祭祀其位無文此公在門西北面東上私臣在門東北面西上天子諸侯

祭祀可依此位矣同姓無爵者在阼階前西面北上卿  
西階前東面北上大夫在門東北面士門西北面旅食  
在其後少牢下篇云衆賓位在門東北面既獻在西階  
西南衆賓繼上賓而南天子諸侯之賓其位或依此與  
案祭統云凡賜爵昭為一穆為一昭與昭齒穆與穆齒  
又文王世子云其在外朝則以官其在宗廟之中則如  
外朝之位宗人授事以爵以官以此差之  
知同姓無爵者從昭穆有爵者則以官矣

右入廟即位 宗廟之禮所以序昭穆也序爵所

以辨貴賤也序事所以辨賢也

詳見祭義

春秋設其裳衣

裳衣先祖之遺衣服也設之當以授尸也中庸

守祧掌守

先王先公之廟祧其遺衣服藏焉

遺衣服大斂之餘也

若將祭祀

則各以其服授尸

尸當服卒者之上服以象生時春官

小祝大祭祀

逆尸

同上

大司樂尸出入則令奏肆夏

同上

大祝凡肆

享逆尸令鍾鼓

肆享祭宗廟也

相尸禮

延其出入詔其坐作同上相尸禮後諸章

通

小祝沃尸盥

疏曰沃尸盥者尸尊不就洗案特牲尸入廟門盥于槃其時小祝沃水

同上

天府凡吉凶之事祖廟之中沃盥執燭

吉事四時祭也同

上按王將裸有鬱人沃盥故小臣沃王盥入朝踐章

右祝迎尸君迎牲而不迎尸

詳見祭義

春祠夏禴裸用雞彘鳥彘皆有舟秋嘗冬烝裸用鴈彘

黃彝皆有舟

裸謂以圭瓚酌鬱鬯始獻尸也。后於是。以璋瓚酌亞裸。郊特牲曰：周人尚臭。灌用鬯。

臭鬱合鬯。臭陰達於淵泉。灌以圭璋。用玉氣也。既灌。然後迎牲。致陰氣也。鷄彝。鳥彝。謂刻而畫之。為雞鳳凰之形。鄭司農云：舟尊下臺。若今時承盤。單讀如稼。稼。彝。畫木稼也。黃彝。黃目尊也。春官司尊彝。

典瑞

裸圭有瓚以肆先王

鄭司農云：於圭頭為器。可以挹鬯。裸祭謂之瓚。故詩曰：瑟彼玉瓚。黃

流在中國。語謂之鬯。圭以肆先王。灌先王祭也。玄謂肆解牲體以祭。因以為名。爵行曰裸。漢禮瓚盤大五升。口

徑八寸。下有盤口。徑一尺。春官。

裸圭尺有二寸有瓚以祀廟

裸之言灌。

也。或作裸。或作果。謂始獻酌奠也。瓚如盤。其柄用圭。有流前注。考工記玉人。

鬱人凡裸玉

濯之陳之以贊裸事

裸玉謂圭瓚璋瓚。

詔裸將之儀與其節

節謂



王奉玉送裸  
早晏之時

凡裸事沃盥春官

小宰凡祭祀贊裸將之

事

將送也裸送送裸謂贊王酌鬱鬯以獻尸謂之裸裸之言灌也明不為飲主以祭祀唯人道宗廟有裸天

地大神至尊不裸莫稱焉凡鬱鬯受祭之啐之奠之天官

小宗伯凡祭祀以時

將瓚果

將送也猶奉也祭祀以時奉而授春官

內宰大祭

祀后裸則贊

謂祭宗廟王既裸而出迎牲后乃從後裸也祭統曰君執圭瓚裸尸大宗執璋瓚亞

裸此大宗亞裸謂夫人不與而攝耳天官

君執圭瓚裸尸大宗執璋瓚

亞裸

圭瓚璋瓚裸器也以圭璋為柄酌鬱鬯曰裸大宗亞裸容夫人有故攝焉祭統

諸侯

賜圭瓚然後為鬯未賜圭瓚則資鬯於天子

圭瓚鬯爵也鬯拒酒

也 王制

三命以秬鬯

按尚書大傳云諸侯之有德者不得賜鬯者資於天子然後祭

右裸

按宗廟有作樂下神一節或云時祭無之已見禘章

有虞氏之祭也

尚用氣血腥爛殷人尚聲臭味未成滌蕩其聲樂

三闋然後出迎牲周人尚臭灌用鬯臭鬱合鬯灌

以圭璋既灌然後迎牲

詳見祭義

王度記曰天子鬯

諸侯薰大夫芑蘭庶人艾秬者黑黍一稊二米鬯

者以百草之香鬱金合而釀之成為鬯陽達於牆

屋陰入於淵泉所以灌地降神也玉瓚者器名也

所以灌鬯之器也以圭飾其柄灌鬯貴玉氣也

白虎

通

祭之屬莫重於裸

祭統

王在新邑烝祭歲王

入大室裸

詳見時享章

既灌然後迎牲

郊特牲 按迎牲之節內宰與司尊彝二注少異而賈疏以司尊彝注為正今

從之

坐尸於堂

謂朝事時也朝事延尸於戶西南面布主席東面特尸薦以籩豆 同上 按

內宰及司尊彝疏延尸出戶在二灌訖王出迎牲之時禮運疏在血毛詔於室之後今從賈氏疏蓋尸主在堂而血毛詔於室下文所謂求而未之得也又按此注尸南面而主東面未知何據或約漢禮而知之然禘祭則尸主同面主在尸右疑時祭亦尸主同面也是時堂上別設席室內之席不動祭日陳設章鋪筵設同几以下

三條及迎尸章大祝相尸禮並此條通用

朝事之豆其實韭菹醢昌本

麋藟菁苴鹿藟苴麋藟

天官醢人注詳祭物朝事解見下文豆先薦設故先載

此條

朝事之邊其實醴黃白黑形鹽膾鮑魚鱠鄭司農云朝事

謂清朝未食先進寒具口實之邊玄謂以司尊彝之職參之朝事謂祭宗廟薦血腥之事邊人詳祭物按此疏及內宰司尊彝疏后薦朝事豆邊在延尸在戶迎牲未入之時禮運疏在升首之後薦腥之前今從賈疏蓋尸出在堂席前不可空故先設豆邊

外宗掌宗廟之祭祀佐王后薦

玉豆眡豆邊

視視其實春官

九嬪凡祭祀贊后薦豆邊

本文

云贊后薦徹豆邊天官兩條饋獻章薦饋食豆邊通用

內宰詔其禮樂之儀

本文云正后之服位而詔其禮樂之儀薦徹之禮當與樂相應按秦漢之樂乾豆上登歌猶古清廟之歌

疏謂薦時歌清廟其說蓋本此贊九嬪之禮事助九嬪樂歌之事詳見祭物樂舞章贊后之事

事九嬪者贊后薦玉內小臣若有祭祀則擯詔后之盛薦徹豆邊同上

禮事相九嬪之禮事正內人之禮事擯為后傳辭有所求為詔相正者異

尊卑也

同上

世婦詔王后之禮事薦徹之節相外內宗之禮事

同姓異姓之女有爵佐后者春官內宰以下三條

饋獻章薦饋食豆邊薦熟章羞齋徹章徹豆邊通用相

內宗之禮事又為再獻章薦加豆邊通用大宗伯凡大祭祀王后不與則

攝而薦豆邊薦豆邊王后之事同上外宗王后不與則贊宗伯

后有故不與祭宗伯攝其事  
同上 此兩條饋食豆籩通用

夫人薦豆執校執醴

授之執鐙

校豆中央直者也執醴豆則執鐙鐙豆下跗也

授醴之人授夫人以饋食豆通

用

大司樂牲出入則令奏昭夏

疏曰牲出入謂二灌後王出迎牲及燭肉

與體其犬豕是牲出入皆令奏昭夏 春官 饋獻薦熟通用

大宰祀五帝及納亨

贊王牲事享先王亦如之

納亨納牲將告殺謂鄉祭之晨既殺以授亨人凡大祭祀

君親率牲大夫贊之 天官

大司徒奉牛牲

牛能任載地類也奉猶進也 疏曰謂初

率八時地官

鄉師大祭祀羞牛牲

疏曰鄉師佐大司徒 同上

大司

寇大祭祀奉犬牲

奉猶進也 秋官

及迎牲君執紼卿大夫

從士執芻

糾所以牽牲也周禮作糾芻謂簞也殺牲時用薦之周禮封人祭祀飾牲共其水簞天子

諸侯之祭禮先有裸尸之事乃後迎牲祭統

君親牽牲大夫贊幣而從

納牲

於庭時也當用幣告神而殺牲禮器

祭之日君牽牲穆答君卿大夫

序從

祭謂祭宗廟也穆子姓也答對也序以次第從也序或為豫

既入廟門麗于碑

麗猶繫也

封人歌舞蹈

謂君牽牲入時隨歌舞之言其肥香以飲神也鄭司農云

封人主歌舞其牲云博碩肥腍地官

充人碩牲則贊

贊助也君牽牲入將致之助持

之也春秋傳曰故奉牲以告曰博碩肥腍同上

納牲詔於庭

疏曰詔告也牲入在庭以

幣告神

奉牲以告曰博碩肥腍

博廣也碩大也桓六年左傳

司

禮器

弓矢凡祭祀共射牲之弓矢

射牲示親殺也殺牲非尊者所親唯射為可國語曰

禘郊之事天子必自射其牲夏官

射人祭祀則贊射牲

燕嘗之禮有射豕者國語

曰禘郊之事天子必自射其牲今立秋有驅劉云同上

大僕贊王牲事

牲事殺割七載

之屬 同上 此章割

諸侯宗廟之事必自射其牛

牲薦熟七載時通用

剝羊擊豕

剝刺也擊殺也國語楚語

用牲於庭

謂殺之時郊特牲

薦

其血毛

疏曰朝踐時延尸在堂祝以血毛告於室也禮運

血毛詔於室

疏曰謂殺

牲取血及毛入以告神於室禮器

大祝凡肆享隋釁令鍾鼓

肆享祭宗廟也

隋釁謂薦血也凡血祭曰釁春官

卿大夫袒而毛牛尚耳鷩刀以剝



取腓骨乃退

毛牛尚耳以耳毛為上也腓骨血與腸間脂也祭義

取腓骨燔

燎

郊特牲

按此句在升首之上似謂朝踐時燔腓骨而注疏以饋食時燕蕭釋之下條祭義疏又謂一祭

有兩度藝蕭指此文為朝踐時事前後抵牾今存其本文於此而注附見後章

建設朝事燔

燎羶鄉見以蕭光

朝事謂薦血腥時也見當為燭字之誤也羶當為馨聲之誤也燭燎馨香

覲以蕭光取牲祭脂也光猶氣也祭義

詔祝於室

本文云詔祝於室坐尸於堂謂朝事時

也朝事延尸於戶西南面布主席東面取牲腓骨燔于爐炭洗肝于鬱鬯而燔之以詔神於室又出以墮于

主前主人親制其肝所謂制祭也時尸薦以籩豆至薦孰乃更延主于室之與尸來升席自此方坐于主北焉

特牲

君親制祭

親制祭謂朝事進血骨時所制者制肝洗於鬱鬯以祭於室及主

卿

大夫從君

疏

曰謂制祭之時則大夫從君禮器

升首

文承取腓骨燂之下疏曰

朝踐時祝取

腓骨燂於爐炭入以告神於主前又升首於室郊特牲

升首於室

制祭之後升

牲首於北墉同上

羊人祭祀割羊牲登其首

登升也升首

報陽也夏官

腥其俎

文承薦其血毛之下腥其俎謂豚解而腥之

及血毛皆所以法

禮運

司士帥其屬而割牲羞俎豆

割牲制體

也羞進也饋獻薦熟二

夏官章通用

大司徒祀五帝奉牛牲羞其肆

享先王亦如之

鄭司農云羞進也肆陳骨體也玄謂進所肆解骨體士喪禮曰肆解去蹄地

官

小子掌祭祀羞羊肆

鄭司農云羞進也羊肆體薦全烝也玄謂肆讀為髡羊髡

者所謂脰解也  
夏官

設祭於堂  
然設祭之饌於堂人君體  
禮器饋獻通用  
祭

脰  
祭義詳見下章

小臣大祭祀沃王盥  
盥疏曰王將獻尸先盥手洗爵乃酌獻

故小臣為王沃水  
盥手也夏官

御僕大祭祀相盥  
詳見薦熟章  
春祠

夏禴其朝踐用兩獻尊  
朝踐謂薦血腥酌醴始行祭事  
后於是薦朝事之豆籩既又酌

獻鄭司農云獻請為犧犧尊飾以翡翠故書踐作餞杜  
子春云餞當為踐  
司尊彝按朝獻與朝踐尊相因

秋嘗冬烝朝踐用兩著尊  
大宰享先王贊玉爵  
宗廟獻用玉爵天官  
小

宰凡祭祀贊爵之事  
又從大宰助王也同  
上兩條凡王獻通用  
量人凡

祭祀制其從獻脯燔之數量  
鄭司農云從獻者肉穀從酒也玄謂燔從於獻酒之

肉炙也數多少也量長短也夏官此數量殺牲訖即制之載於此者欲見有從獻之事不言肝而言脯豈

天子禮異與饋獻朝獻再獻通用饋內宰后獻則贊獻謂王薦腥薦熟后亦從後獻也

天官饋獻章后獻通用外宗王后以樂羞盥則贊見薦熟章凡王后

之獻亦如之獻酒王后不與則贊宗伯注見前饋獻再

獻章后醴醢以獻薦其膳炙君與夫人交獻疏曰醴醢以獻

者朝踐之時用醴饋食之時用醢薦其燔炙者謂燔肉炙肝案特牲禮主人獻尸賓長以肝從主婦獻尸賓長

以燔從則此君薦用炙夫人薦用燔也第一君獻第二夫人獻第三君獻第四夫人獻是君與夫人交錯而獻

也禮運饋獻通用但不用醴君西酌犧象夫人東酌壘尊象日出東

方而西行也月出西方而東行也周禮曰春祠夏禴裸  
用雞彘鳥彘皆有舟其朝踐用兩獻尊其再獻用兩象  
尊皆有壘諸臣之所酢按此據諸侯侯九獻之禮者  
言但設尊不於戶而於階夫人不酌犧象而酌壘皆變  
於天子然疑壘尊太卑不當施於朝  
踐饋獻夫人酌壘豈謂再獻酌尸與  
禮交動乎上樂交  
應乎下  
言交乃和  
饋獻君酌象朝獻君酌犧再獻夫人酌壘  
大

司樂乃奏無射歌夾鍾舞大武以享先祖

無射陽聲之下也夾鍾為

之合夾鍾一名圜鍾先祖謂先王先公

春官杜佑

曰時堂上以夾鍾之調歌堂下以無射之調作大武之

樂饋獻朝  
獻再獻通用

鼓人以路鼓鼓鬼享

路鼓四面鼓也  
地官凡獻作樂

通用凡樂事宗廟通  
用者詳見祭物樂舞

宗婦執盥從夫人薦洗水

盥

齊也。盥齊，說酌也。凡尊有明水，因燕去水耳。

祭統

夫人薦盥

本文承君親制祭之下疏曰

此謂殺牲已畢，進血腥之時，斷制牲肝洗以鬱鬯，入以祭神於室於此之時，夫人薦盥齊以獻之。侯伯子男之君朝踐，君不獻，故夫人薦盥。

命婦從夫人

疏曰：謂薦盥之時，禮器

右朝踐

祭以清酒，從以騂牡，享于祖考，執其鸞

刀以啟其毛，取其血骨

清酒清潔之酒，鬱鬯之屬也。騂，赤色。周所尚也。祭禮

先以鬱鬯灌地求神於陰，然後迎牲執者，主人親執也。鸞，刀。刀有鈴也。膏，脂膏也。啟其毛以告純也。取其血以告殺也。取其腎以升臭也。合之黍稷實之於蕭而燔之，以求神於陽也。

小雅信南山

秋而載嘗，夏而福衡，白牡騂剛，犧尊將將，毛魚

載羹邊豆大房萬舞洋洋孝孫有慶

嘗秋祭名福衡施於牛角

所以止觸也周禮封人云凡祭飾其牛牲設其福衡是也秋將嘗而夏福衡其牛言夙戒也白牡周公之牲也駢剛魯公之牲也白牡殷牲也周公有三禮故不敢與文武同魯公則無所嫌故用駢剛犧尊畫牛於尊腹也或曰尊作牛形鑿其背以受酒也毛魚周禮封人祭祀有毛魚之豚注云爛去其毛而魚之也載切肉也羹大羹銅羹也大羹古之羹滴煮肉汁不和盛之以登貴其質也銅羹肉汁之有菜和者也盛之銅器故曰銅羹大房半體之俎足下有跗如堂房也萬舞名魯頌閟宮

聲莫重於升歌舞莫重於武宿夜

武宿夜武曲名也祭統

古者帝王升歌清廟

清廟樂章名

大琴練弦達越大

瑟朱弦達越以韋為鼓謂之搏拊何以也

練弦朱弦互文

也越下孔也凡練弦達越搏拊者象其德寬和

君子有大人聲不以鍾鼓

竽瑟之聲亂人聲清廟升歌者歌先人之功烈德

澤也故欲其清也

烈業也

其歌之呼也

呼出聲也

曰於穆

清廟於者歎之也穆者敬之也清者欲其在位者

徧聞之也故周公升歌文王之功烈德澤苟在廟

中見文王者愀然如見文王故書曰搏拊琴瑟以

詠祖考來假此之謂也

尚書大傳

諸侯三命者皆受



天子之樂以祀其宗廟所以褒有功而章有德之

義也未命者不得用天子之樂祀其宗廟

同上

內饗凡宗廟之祭祀掌割亨之事

天官

小宗伯祭之日

省鑊

省鑊視亨腥孰  
官兩條薦孰通用

孰其殽

謂體解而爛之此  
以下皆所以法於

中古也

禮運

上章

司士

帥其屬

割牲羞

饋食之

俎豆大司樂牲出入令奏昭夏皆此條通用

豆其實葵菹羸醢脾析麇醢蜃蚘醢豚拍魚醢

醢人詳  
見祭物

饋食之籩其實棗棗桃乾榛榛實

饋食薦孰也今吉  
禮存者特牲少牢

諸侯之大夫士祭禮也不裸不薦血腥而自薦孰始是以皆云饋食之禮

籩人詳見祭物

上章外宗佐王

后薦玉豆以下七條並此二條通用

小子掌祭祀羞羊殽

鄭司農云羊殽體解節折

也夏官薦孰通用

君執鸞刀羞齊夫人薦豆

齊齊肺祭肺之屬也君以

鸞刀割制之

祭統此條通用

上章

君親割牲夫人薦酒

親割

謂進牲孰體時

疏曰謂薦孰時君親割牲體於時君亦不獻故夫人薦酒

卿大夫從君命

婦從夫人

疏曰謂割牲薦酒之時

秋嘗冬烝其饋獻用兩壺

尊

其變再獻為饋獻者亦尊相因饋獻謂薦孰時后於是薦饋食之豆蓬鄭司農云壺者以壺為尊春秋傳

曰尊以魯壺司尊彝

按再獻與饋獻尊相因春祠夏禴饋獻用兩象尊上章大宰贊玉爵以下至釂人

凡九條並此條通用

燭祭而退

本文燭祭下有祭腥字見上章燭祭祭腥祭燭肉腥肉也湯

肉曰燭燭祭祭腥或為合祭腥泄腥孰也祭義上章設祭於堂此條通用

右饋獻

按饋獻一節禮運疏謂在尸入室之後周禮疏以孰其殽當饋獻節在尸未入室之

前今考司凡筵吉事變几鄭注有饋食於堂之語當以賈疏為正若尸既入室則當食舉矣豈先獻

然後食乎又按禮運以薦血腥法上古孰其殽法中古其下文醴醢以獻薦其燔炙君與夫人交獻

云云皆在未合亨之前獻醴即朝踐也獻薦即饋獻也然則饋獻不在陰厭之後亦明矣故今所次

皆從賈疏之說

然後退而合亨

此謂薦今世之食也疏曰前薦燭既未孰今至饋食乃退取鼎燭肉更合亨

之令孰擬更薦尸又尸俎惟載右體其餘不載者及左體等亦於饌中亨煮之故云合亨禮運朝踐章大

司樂牲出入令奏昭夏上章內饗

備其鼎俎

疏曰牲煮於鑊

鑊在廟門外鼎隨鑊設各陳於鑊西取牲體以實其鼎而入設於作階下南北陳之俎設於鼎西以次載於俎

也案少牢陳鼎於廟門之外東方北面上又云鼎入陳於東方當序西面北上俎皆設于鼎西是也禮運

經約之天子九鼎九俎諸侯七鼎七俎其牲無明文以諸

鮮魚八鮮腊九諸侯七者無鮮魚鮮腊也

大祝肆享逆牲令鍾鼓

本文逆牲在隋

官 朝踐章大司樂令奏昭夏此條通用

御僕大祭

祀相盥而登

相盥者謂奉槃授巾與登謂為王登牲體於俎特牲饋食禮主人降盥出舉入乃也

載 夏官 朝踐章大僕贊王牲事此條通用 按特牲少牢七載時先升心舌為所俎至正祭時主人親進

之尸食舉皆加于所又取餘體盛于所祭畢以此俎歸之于尸天子諸侯亦當有之

諸子大祭

祀正六牲之體

正謂北載之同上

體其犬豕牛羊實其簋簠

邊豆鉶羹

體其犬豕牛羊謂分別骨肉之貴賤以為衆俎也禮運朝踐章司士割牲羞俎豆此

條通用

大司馬大祭祀羞牲魚

詳見下

小子祭祀贊羞

夏官又上章羞羊豢此條通用

羹定詔於堂

肉謂之羹孰肉也謂煮肉既孰

將欲迎尸主入室乃先以俎盛之告神于堂是薦熟未食之前也

春秋薦其時食

時食四時祭也中庸

九嬪凡祭祀贊玉盥

玉盥玉敦受黍稷器后進之而不徹

故書玉為王杜子春讀為玉天官

外宗王后以樂羞盥則贊

贊猶佐也春

官 按羹定詔於堂之後乃延主于室徙堂上朝踐饋  
食豆籩入室設于尸席前俎入設于豆東后乃薦玉盞

設于俎南 朝踐章內宰內 亨人祭祀共鉶羹 鄭司  
小臣世婦三條此二條通用 農云

大羹不致五味鉶羹加鹽菜矣 小祝贊奠 本文在  
天官 按特牲鉶羹設于豆南 贊徹下

一 奠奠爵也祭祀奠先徹後反言之者明所佐大祝非  
疏曰大祝酌酒奠于鉶南則郊特牲注天子奠罍

諸侯奠角小祝其時贊之 春官 蕭合黍稷既奠  
按禮運疏天子諸侯酌奠皆用齊

然後炳蕭合羶鄉 奠謂薦孰時也特牲饋食所云祝酌  
奠于鉶南是也蕭鄉蒿也染以脂合

黍稷燒之詩云取蕭祭脂羶當為馨聲之誤也奠或為  
薦 又取脾背燂燎注云脾背腸間脂也與蕭合燒之

亦有黍稷也 大祝辨六號二曰鬼號 鬼號若云  
郊特牲 皇祖伯某 凡肆

享則執明水火而號祝

明水火司烜所共日月之氣以給烝享執之如以六號祝明此

主絜也

春官

直祭祝于主

謂薦孰時也如特牲少牢饋食之為也直正也祭以孰為正則

血腥之屬盡敬心耳

郊特牲

祝以孝告

疏曰案少牢祝曰孝孫某敢用柔毛剛鬣嘉薦普淖

用薦歲事于皇祖伯某以某妃配某氏尚饗是祝以孝告禮運按尸未入而先設饌饗神曾子問所謂陰

厭

天子踐阼臨祭祀內事曰孝王某諸侯臨祭祀內

事曰孝子某侯某

詳見通禮祝號

舉斚角詔妥尸

妥安坐也尸始入舉

奠斚若奠角將祭之祝則詔主人拜安尸使之坐尸即至尊之坐或時不自安則以拜妥之也天子奠斚諸侯

奠角  
郊特牲  
按陰厭後尸入室禮器注所謂尸來升席自北方坐于王北謂此時也迎尸章大祝相尸禮

亦此條通用 又按特牲主人拜受尸尸答拜執奠祝  
饗主人拜如初尸乃授祭祭黍稷肺祭酒啐酒告旨主  
人拜尸奠饌答拜注云饗勸強之也其辭取于士虞記  
則宜云孝孫某主為而孝薦之饗少牢無執奠祝饗啐  
奠告旨等事賈氏云士賤不嫌得與人君同大夫尊嫌  
與人君同故初不饗後亦不告旨據此則天子諸侯安  
尸後當有執奠祝饗等事 小祝贊隋隋尸之祭春官薦黍稷羞肝肺

首心見間以俠甌

薦黍稷所謂饋食也見間當為甌字之誤也有虞氏祭首夏后氏祭心殷

祭肝周祭肺甌以俠甌謂雜之兩甌醴酒也 祭義按醴酒疑謂祝酌奠于銅南之酒俠甌併明水尊言之

祭黍稷加肺

祭黍稷加肺謂綏祭也 郊特牲按此文下云祭齊加明水疏謂不專指綏

祭時詳見祭義

亨人祭祀共大羹

大羹肉清天官按特牲大羹設于醢北不祭不



齊

小子羞肉豆

鄭司農云羞進也肉豆者切肉也夏官按肉豆庶羞也特牲少牢尸

食舉之時佐食羞庶羞四豆設于左尸食之

大司馬大祭祀羞牲魚授其

祭

牲魚魚牲也祭謂尸所以祭也鄭司農云大司馬主進魚牲同上按特牲少牢魚十有五正祭時尸

以一魚振祭齊之少牢儻尸加膾祭于此言授其祭亦通正祭時司士羞清魚尸取膾祭祭之此言授其祭亦通正祭

釋祭言之

大祝逆尸令鍾鼓右亦如之

右讀亦當為侑按大祝辨九拜以

享右祭祀注云享獻也謂朝獻饋獻也右讀為侑侑勸尸食而拜按特牲尸三飯告飽祝侑主人拜舉幹舉

獸幹魚一尸又三飯告飽祝侑之如初舉肩及獸魚尸不復飯少牢

又大夫禮尸食七飯告飽祝西面于主人之南獨侑不拜侑曰皇尸未實侑尸又飯舉牢肩尸不飯告飽祝西

面于主人之南主人不言拜侑尸又三飯注云為祝一飯為主人三飯尊卑之差凡十一飯下人君也疏云此與特牲皆有尸飯法天子諸侯亦當有之故大祝九拜之下云以享侑祭祀注云侑勸尸食而拜若然士三飯即告飽而侑大夫七飯告飽而侑諸侯九飯告飽而侑天子十一飯而侑案此疏則天子諸侯尸告飽之後亦祝與主人更侑尸為祝一飯為主三飯也又下大夫不賓尸尸七飯時祝侑亦如之尸食舉牢肩尸不飯告飽主人拜侑不言尸又三飯注云凡十一飯士九飯大夫十一飯其餘有十三飯十五飯疏云士禮九飯上下大夫同十一飯士大夫既不分命數為尊卑則五等諸侯同十三飯天子十五飯可知春官

## 右薦熟

索祭祀于祊

索求神也廟門曰祊謂之祊者以於繹祭名也郊特牲

右祝祭于祊

按禮記索祭祝于祊文承直祭祝于主之下未知當在何時或云在祭末

然以楚茨詩考之第二章云祝祭于祊祀事孔明文承或剥或亨或肆或將之下其三章始言獻酬交錯四章始言徂賚孝孫則祭祊不在祭末今次於薦熟之後其行事或在尸未食之前或在尸卒

食之後皆不可知也

秋嘗冬烝其朝獻用兩著尊

其變朝踐為朝獻者尊相因也朝獻謂尸卒食王醕

之鬱人職曰受舉斝之卒爵而飲之則王醕尸以玉爵也鄭司農云著尊者著略尊也或曰著尊著地無足明堂位曰著殷尊也司尊彝按朝獻因朝踐之尊春祠夏禴朝獻用兩獻尊朝踐章大宰小宰量人大司樂鼓人五條及禮器君西酌犧並此條通用

司几筵王設莞筵紛純加緇

席畫純加次席黼純

詳見祭日陳設章又案此條疏云受酢度未必有几故下文祀先王

酢席亦如之及諸侯酢席皆不云几也

祀先王昨席亦如之

鄭司農云昨席於主階設

席王所坐也玄謂昨讀曰酢謂祭祀反王受酢之席尸卒食王醕之卒爵祝受之又酌授尸尸酢王於是席王於戶內后諸臣致爵乃設席按司尊彝疏云王醕尸用朝踐之尊醴齊尸酢王還用醴齊又王受尸酢有俎見徹

諸侯昨席莞筵紛純加繅席畫純

昨亦讀曰春官

嘏

以慈告

祝以孝告嘏以慈告各首其義也

禮運按楚茨詩既齊既稷既匡既勅筭云嘏之禮祝偏

取黍稷牢肉魚於俎以授尸孝孫前就尸受之天子使宰夫受之以筐祝則釋嘏辭以勅之天子嘏辭與大夫同

鬱人大祭祀與量人受舉斚之卒爵而飲之

斚受福之

嘏聲之誤也王醕尸尸嘏王此其卒爵也少牢饋食禮  
主人受嘏詩懷之卒爵執爵以興出宰夫以邊受普黍  
主人嘗之乃還獻祝此鬱人受王之卒爵亦王出房時  
也必與量人者鬱人贊裸尸量人制從獻之脯醢事相  
成

春官

量人凡宰祭與鬱人受擘歷而皆飲之

言宰祭者冢宰

佐人祭亦容攝祭鄭司農云擘讀如嫁娶之嫁是器名  
明堂位曰爵夏后氏以琖殷以擘周以爵玄謂擘讀如  
嘏尸之嘏宰冢宰夏官少牢注云不啐而卒爵者  
大夫之佐食賤禮略疏曰天子諸侯禮雖亡或可對天  
子諸侯佐食啐乃卒爵貴故也

右朝獻

祭之日一獻君降立于阼階之南南鄉所命北面史右

君右執策命之再拜稽首受書以歸而舍奠于其廟

一獻

醕尸也舍當為釋聲之誤也非時而祭曰奠祭統

### 右因祭策命 賚大封于廟也

加豆之實芹菹兔醢深蒲醢醢落菹鴈醢荀菹魚醢

醢人

詳見祭物

加籩之實菱芡臠脯菱芡臠脯

加籩謂尸既食后亞獻尸所加

之籩重言之者以四物為八籩邊人詳見祭物

內宗掌宗廟之祭祀薦加

豆籩

加爵之豆籩故書為籩豆鄭司農云謂婦人所薦杜子春云當為豆籩春官朝踐章世婦相內

宗之禮事此條通用

春祠夏禴其再獻用兩象尊

再獻者王醕尸之後后酌

亞獻諸臣為賓又次后酌盞齊備卒食三獻也於后亞獻內宗薦加豆邊明堂位曰灌用玉瓚大圭爵用玉琖加用璧角璧散又鬱人職曰受舉斚之卒爵而飲之則王酌尸以玉爵也王酌尸用玉爵而再獻者用璧角璧散可知也鄭司農云象尊以象鳳凰或曰以象骨飾尊司尊彝按再獻因饋獻之尊秋嘗冬烝再獻用兩壺尊本章

內宰后裸獻則贊瑤爵亦如之

瑤爵謂尸卒食

王既酌尸后亞獻之其爵以瑤為飾天官按少牢主婦入戶西面拜獻尸注云不北面者辟人君夫人也則夫人當北面拜朝踐章外宗贊王后之獻后不與則贊宗伯量人制從獻禮器夫人東酌壘尊及大司樂鼓人並此

尸酢夫人執柄夫人受尸執足

疏曰爵如雀形以尾

為柄夫人獻尸尸酢夫人則執爵尾授夫人夫人受酢於尸則執爵足按博古圖爵有鑿為柄疏說非是

祭統 按司尊彞疏云后醕尸用饋獻之尊盞齊尸酢

后還用盞齊又后受尸酢有俎見徹章又按后受尸

酢後諸臣為賓者再獻其尊已見上

其爵用璧散見禘章樂舞見朝踐章

相襲處酢必易爵

疏曰襲因也謂夫婦交相致爵之時其執之物不相因故處酢必易爵者

謂致爵之時主人受主婦之酢易換其爵故特牲主人受主婦之酢更爵酢注云主人更爵自酢男子不承婦

人爵即引此文為證也

同上

按特牲賓長三獻尸

爵止於是主婦入戶致爵于主人受爵酢主人入房致爵於主婦更爵酢此人君禮亦當諸臣獻尸尸止爵而後夫婦致爵也又后致爵乃設席見朝獻章司几筵注

春祠夏禴皆有壘諸臣之所昨也秋嘗冬烝皆有壘

諸臣之所昨也

昨讀為酢字之誤也諸臣獻者酌壘以白酢不敢與王之神靈共尊鄭司農云



壘臣之所飲也詩曰瓶之罄矣維壘之恥司尊彝

按特牲少牢賓長獻尸後致尊於主人主婦而酢于主

人天子諸侯

禮亦當有之

羞籩之實糗餌粉飧

羞籩謂若少牢主人酬尸宰夫羞房

中之羞于尸侑主人主婦皆

羞豆之實醢食糝食

醢人

詳見祭物按此皆內羞別

有庶羞蓋夏官小子設之

右再獻

已上九獻之正禮也疏家論行禮先後次第及獻數降殺不同並著之以備參考

禮運疏云大禘祭日之旦王服袞冕而入尸亦袞冕祝在後侑之王不出迎尸故祭統云君不迎尸

所以別嫌也尸入室乃作樂降神故大司樂云凡樂圜鍾為宮九變而致人鬼是也乃灌故書王入

大室裸當灌時衆尸皆同在太廟中依次而灌所灌鬱鬯小宰注云尸祭之啐之奠之是為一獻也

王乃出迎牲后從灌二獻也迎牲而入至於庭故  
禮器云納牲詔於庭王親執鸞刀啟其毛而祝以  
血毛告於室故禮器云血毛詔於室凡牲則廟各  
別牢故公羊傳云周公白牲魯公駢牯案逸禮云  
毀廟之主昭共一牢穆共一牢於是行朝踐之事  
尸出於室太祖之尸坐於戶西南面其主在右昭  
在東穆在西相對坐主各在其右故鄭注祭統云  
天子諸侯之祭朝事延尸於戶外是以有北面事  
尸之禮祝乃取牲脾脅燎于爐炭入以詔神於室  
又出以墮於主前郊特牲云詔祝於室坐尸於堂  
是也王乃洗肝於鬱鬯而燔之以制於主前所謂  
制祭次乃升牲首於室中置於北墻下后薦朝事  
之豆籩乃薦腥於尸主之前謂之朝踐即此禮運  
薦其血毛腥其俎是也王乃以玉爵酌者尊泛齊  
以獻尸三獻也后又以玉爵酌著尊醴齊以亞獻  
四獻也乃退而合亨至薦孰之時陳於堂故禮器

云設饌於堂乃後延主入室大祖東面昭在南面  
穆在北面徙堂上之饌於室內坐前祝以罍爵酌  
奠於饌南故郊特牲注云天子奠掌諸侯奠角即  
此之謂也既奠之後又取腸間脂燭蕭合馨蕕郊  
特牲注云奠謂薦孰時當此大合樂也自此以前  
謂之按祭乃迎尸入室舉此奠罍主人拜以妥尸  
故郊特牲云舉罍角拜安尸是也后薦饋獻之豆  
邊王乃以玉爵酌壺尊盥齊以獻尸為五獻也后  
又以玉爵酌壺尊醴齊以獻尸是六獻也於是尸  
食十五飯訖王以玉爵因朝踐之尊泛齊以醑尸  
為七獻也故鄭云變朝踐云朝獻尊相因也朝獻  
謂此王醑尸因朝踐之尊也后乃薦加豆籩尸酌  
酢主人主人受嘏王可以獻諸侯於是后以瑤爵  
因酌饋食壺尊醴齊以醑尸為八獻也鄭注司尊  
彝云變再獻為饋獻者亦尊相因也再獻后醑尸  
獻謂饋食時后之獻也於時王可以瑤爵獻卿也

諸侯為賓者以瑤爵酌壺尊醕齊以獻尸為九獻  
九獻之後謂之加爵按此論行禮先後次第與  
今所次間有不同覽者詳之特牲疏曰天子大  
祫十有二獻四時與禘唯有九獻上公亦有九獻  
侯伯七獻子男五獻按天子合諸侯而饗禮諸  
侯長十有再獻則大祭宜亦有十二獻但禮文殘  
缺不可考以意推之豈天子及后諸臣醕尸各兩  
爵與禮運疏又云天子祫禘時祭皆九獻其魯  
及王者之後皆九獻其行之法與天子同侯伯七  
獻朝踐及饋獻時君皆不獻於九獻之中減二故  
為七獻也禮器云君親制祭夫人薦盥君親割牲  
夫人薦酒是也子男五獻者亦以薦腥饋孰時君  
皆不獻醕尸之時君但一薦而已九獻之中去其  
四故為五此皆崔氏之說今案特牲少牢尸飲之  
後主人主婦及賓備行三獻主婦因獻而得受酢  
今子男尸食之後但得一獻夫人不得受酢不如

卿大夫理亦不通蓋子男饋孰以前君與夫人並  
無獻也食後行三獻通二灌為五也禮器所云者  
據侯伯七獻之制也按五獻之說孔氏得之  
禮器七獻神注謂祭先公疏曰驚冕七章享先公  
故知七獻祭先公也按侯伯七獻朝踐饋獻皆  
夫人獻而君不獻通裸與醕尸數之主人二獻而  
主婦四獻事亦可疑案禮有放而不致之例豈天  
子七獻朝踐饋獻皆王獻而后不獻侯伯避王故  
特異其  
禮與

尸飲五君洗玉爵獻卿尸飲七以瑤爵獻大夫尸飲九

以散爵獻士及羣有司皆以齒

尸飲五謂醕尸五獻也  
大夫士三獻而獻賓

祭統司尊彛注云此凡九酌王及后各四諸臣一祭  
之正也以今祭禮持牲少牢言之二裸為奠而尸飲七

矣王可以獻諸臣祭統曰尸飲五君洗玉爵獻卿是其  
差也按賈孔二疏論獻卿先後不同孔謂祭統據備  
九獻者言至主人酌尸而及飲五賈謂祭統據侯伯七  
獻者言至諸臣再獻而尸飲五以司尊彝注推之當以  
賈疏為正若如孔說則賓未獻尸而君先獻賓失其序  
矣其言飲七飲九皆誤蓋尸飲五正獻已畢飲七飲九  
皆正獻之後加爵也特牲士禮長兄弟衆賓長再加爵  
祭末又有利獻尸則侯伯有四加宜矣又以司尊彝注  
推之則備九獻者尸飲九而獻大夫尸飲十一而獻士  
及羣有司可知也諸臣致爵乃設席見朝獻章司几  
筵注

宗廟之祭貴者獻以爵賤者獻以散

凡觴一升曰  
爵二升曰觚

三升曰觶四升曰角  
五升曰散禮器

右獻諸臣及加爵

禮運疏曰特牲有三加則天子  
以下加爵之數依尊卑不止三

也加

凡為俎者以骨為主骨有貴賤殷人貴髀周

人貴肩凡前貴於後貴者取貴骨賤者取賤骨貴

者不重賤者不虛

詳見祭義

及入舞君執干戚就舞位君為東上冕而總干率其羣

臣以樂皇尸

君為東上近主位也皇君也言君尸者尊之祭統

右樂尸

按注疏不言樂尸當何時通典次於加爵之後今姑從之未知其是否也

其登獻受爵則以上嗣

本文登下有餞字上嗣君之適長子以持牲饋食禮言之受

爵謂上嗣舉奠也獻謂舉奠洗爵酌入也餞謂宗人遣舉奠盥祝命之餞也大夫之嗣無此禮辟君也文王

世子

### 右上嗣舉奠

司士凡祭祀及賜爵呼昭穆而進之

賜爵神惠及下也此所賜王之子姓

兄弟祭統曰凡賜爵昭為一穆為一昭與昭齒穆與穆齒凡羣有司皆以齒此之謂長幼有序夏官

凡賜爵昭為一穆為一昭與昭齒穆與穆齒凡羣有司

皆以齒

昭穆猶特牲少牢饋食之禮衆兄弟也羣有司猶衆賓下及執事者君賜之爵謂若酬之祭

統

旅酬下為上

謂若特牲饋食之禮賓弟子兄弟之子各舉觶於其長也中庸

右旅酬無算爵

按特牲堂下設尊旅酬無算爵並行少牢上下大夫或行或否參差



不等疏云大夫當辟國君士賤不嫌與君同故得備禮然則天子諸侯廟中旅酬無算爵並行畧如士禮也

肆師凡祭祀禮成則告事畢

春官按儀禮疏云特牲祝戶外告利成少牢階上

告利成以尊者稍遠於尸若天子諸侯禮畢於堂下告利成故詩楚茨云孝孫徂位工祝致告鄭注云祭禮畢孝孫徂位堂下西面位祝於是致孝孫之意告尸以利成也

小祝送尸

同上

大司

樂尸出入則令奏肆夏

見祝迎尸章

右禮畢送尸

尸謾君與卿四人餞君起大夫六人餞大夫起士八人

餽士起各執其具以出陳於堂下百官進徹之進當為餽聲之

誤也百官謂有事於君祭者也既餽乃徹之而去凡餽以四簋泰疏曰諸侯之祭有四簋者以二簋留為陽厭之祭故以四簋而餽簋

有泰稷特云泰者見其美舉泰稷可知也祭統詳

見祭義其登餽則以上嗣見上嗣舉奠章按尸謏君與卿四人餽則上嗣初不得

與餽也下云君起大夫六人餽豈上嗣與五大夫對餽與

### 右餽

大祝既祭令徹春官小祝贊徹同上樂師及徹帥學士

而歌徹學士國子也鄭司農云謂將徹之時自有樂故帥學士而歌徹玄謂徹者歌雍雍在周頌臣工

之什  
同上

小師徹歌

於有司徹而歌雍同上

小子受徹焉

夏官

九嬪贊后徹豆籩

詳見朝踐章

外宗佐王后薦王豆眡豆

邊及以樂徹亦如之

春官

內宗及以樂徹則佐傳豆籩

佐傳佐外宗踐章內宰以下

同上三條適用

大宗伯凡大祭祀王后不

與則攝而徹

本文云則攝而薦豆籩徹薦徹豆籩王后之事同上

膳夫凡王

祭祀則徹王之胙俎

膳夫親徹胙俎胙俎最尊也其餘則其屬徹之天官

內

小臣徹后之俎

俎謂后受尸之爵飲于房中之俎同上

右徹

按上章祭統疏云諸侯祭有六簋以四簋餞以二簋留為陽厭然則天子諸侯徹俎後亦

當改饌西北隅為陽厭也

楚茨 朱子曰此詩述公卿有田祿者力於農事以奉宗廟之祭

推小

為祊乎外

祊祭之明日繹祭也謂之祊者於廟門之旁因名焉其祭之禮既設祭於室不事尸於堂

孝子求神非一處也周禮曰夏后氏世室門堂三之二室三之一詩頌絲衣曰自堂徂基 禮器

君

牽牲夫人奠盥君獻尸夫人薦豆卿大夫相君命婦相

夫人奠盥設盥齊之奠也此時君牽牲將薦毛血君獻尸而夫人薦豆謂繹日也儗尸主人獻尸主婦自

東房薦韭菹醢祭義

牛人凡祭祀共其求牛

求終也終事之牛謂所以繹者

也宗廟有繹者孝子求神非一處地官

右繹

閒謂之門

詩曰祀祭于祊爾雅

繹又祭也

祭之明日

尋繹復祭

周曰繹

春秋經曰壬午猶繹

商曰彤

書曰高宗彤日

夏曰復胙

未見義所出同上

鳧鷖

朱子曰祭之明日繹而賓尸之樂大雅

絲衣繹

賓尸也

周頌序

詩曰明發不寐有懷二人文王之

詩也祭之明日明發不寐饗而致之又從而思之

詳見祭義

宣公八年六月辛巳有事于大廟仲遂卒

于垂壬午猶繹

繹又祭陳昨日之禮所以賓尸

繹者祭之旦日之

享賓也

春秋穀梁傳

繹者何祭之明日也

禮繹繼昨日事但不

灌地降神爾天子諸侯曰繹大夫曰賓尸士曰宴尸去事之殺也必繹者尸屬昨日配先祖食不忍輒忘故因以復祭禮則無有誤敬慎之至殷曰彤周曰繹繹者據今日道昨日不敢斤尊言之文意也彤者彤彤不絕據昨日道今日斤尊言之質意也祭必有尸者節神也禮天子以卿為尸諸侯以大夫為尸卿大夫以下以孫為尸夏立尸殷坐尸周旅酬六尸公羊傳孔子曰繹之於庫門內祊之於東方失之矣祊之禮宜於廟門外之西室繹又於其堂神位於西也此二者同時而大名曰繹其祭禮簡而事尸禮大郊特牲案家語云衛莊公改舊制變宗廟易朝市高子罕問於孔子曰周禮繹祭于祊祊在廟門之西前朝而後市今衛君更之如之何孔子曰繹之於庫門內祊之於東方市朝於西方失之矣

幕能帥顓頊者也有虞氏報焉

幕舜之後虞思也為夏諸侯帥循也顓頊有虞

氏之祖也報德之祭也

杼能帥禹者也夏后氏報焉

杼禹後七世少康之子季

杼也能興夏道者

上甲微能帥契者也商人報焉

上甲微契後八世湯之先

也高圉大王能帥稷者也周人報焉

高圉后稷後十世公非之子也大王

高圉之曾孫古公亶父也國語魯語

右報祭書曰惟高宗報上甲微

案竹書紀年武丁十二年報祀

上甲微定公問曰此何謂也孔子對曰此謂親盡廟

毀有功而不及祖有德而不及宗故於每歲之大

嘗而報祭焉所以昭其功德也公曰先君僖公功德前行可以與於報乎孔子曰丘聞昔虞夏商周以帝王行此禮者則有矣自此以下未之知也

孔叢

子論書

王立七廟曰考廟曰王考廟曰皇考廟曰顯考廟曰祖考廟皆月祭之諸侯立五廟曰考廟曰王考廟曰皇考廟皆月祭之

法祭

古者先王日祭月享

日祭于祖考月祭于曾高諸

侯舍日

有月祭也國語楚語

甸服者祭

供日祭也

侯服者祀

供月祀也



日祭

日祭于祖考謂上食也近漢亦然

月祀

月祀於曾高周語

右月告之祭

案玉藻疏云天子諸侯行告朔禮訖然後祭於諸廟謂之朝享又謂之朝

正又謂之月祭是月祭即朝廟朝正也今以朝廟事附見於下但周禮司尊彝四時間祀有朝享本謂大禘也疏家亦指為月祭則誤矣

文公六年閏月不告月猶朝

于廟

疏曰朝享即月祭是也春秋

獻人春獻王鮪

王鮪鮪之大者月令季春薦鮪于寢廟

仲春天子乃

鮮羔開冰先薦寢廟

鮮當為獻聲之誤也獻羔謂祭司寒也祭司寒而出冰薦於宗廟乃

後賦之春秋傳曰古者日在北陸而藏冰西陸朝覲而出之具藏冰也深山窮谷固陰沍寒於是乎取之其出

之也朝之祿位賓食喪祭於是乎用之其藏之也黑牡  
秬黍以享司寒其出之也桃弧棘矢以除其災其出入  
也時食肉之祿永皆與焉大夫命婦喪浴用水祭寒而  
藏之獻羔而啟之公始用之災出而畢賦自命夫命婦  
至於老疾無不受水  
季春天子始乘舟薦鮪于寢廟進時美物孟

夏農乃登麥天子乃以彘嘗麥先薦寢廟

登進也麥之新氣尤盛以

彘食之散其熟也彘水畜

仲夏農乃登黍天子乃以雛嘗黍羞以

含桃先薦寢廟

此嘗雛也而云以嘗黍不以牲主穀也必以黍者黍火穀氣之主也含桃櫻桃

也

孟秋農乃登穀天子嘗新先薦寢廟

黍稷之屬於是始熟

仲秋以犬嘗麻先薦寢廟

麻始熟也

季秋天子乃以犬嘗

稻先薦寢廟

稻始熟也

季冬命漁師始漁天子乃嘗魚先

薦寢廟

天子必親往視漁明漁非常事重之也此時魚繁美已上月令

未嘗不食

新

嘗謂薦新物于寢廟少儀

右薦新 潛季冬薦魚春獻鮓也

周頌詩序

古者大

寒降土蟄發水虞於是乎講眾罟罾取名魚登川

禽而嘗之寢廟行諸國人

國語魯語

四之日其蚤獻

羔祭韭

幽風

天子立端聽朔于南門之外諸侯皮弁以聽朔于大廟

詳見朝  
廷禮

右告朔

詳見王  
朝禮

王下祭殤五適子適孫適曾孫適玄孫適來孫諸侯下

祭三

祭適殤也重適也祭適殤於廟之  
與謂之陰厭凡庶殤不祭祭法

右祭

禮書綱目卷四十二

欽定四庫全書

禮書綱目卷四十三

婺源江永撰

諸侯遷廟

吉禮十

補經

此篇出大戴禮

成廟將遷之新廟君前徙三日齊祝宗人及從者皆齊

謂親過高祖則毀廟以昭穆遷之

右將遷齋 記作王壞廟有時日於練焉壞廟壞

廟之道易檐可也改塗可也

禮過高祖則毀其廟以次而遷將納新神

示有所加 文  
公二年穀梁傳

徙之日君立服徙者皆立服徙至于廟廟殯羣臣如朝

位列於廟門外如路門之位君入立于阼階下西向有司如朝位立於

門內如門外之位宗人擯舉手曰有司其請升君升祝奉幣從

在左北面祝王辭故在左神將遷故出在戶牖間南面矣再拜興祝聲三曰孝

嗣侯某敢以嘉幣告于皇考某侯言嗣以遷代不言國未忍有之也成

廟將徙敢告卒不奠幣者禮畢矣於此將有事於新廟君及祝再拜興

右殯宮告遷

祝曰請導君降立于階下奉衣服者皆奉以從祝

不言奉主

而稱奉衣服者以毀易祖考誠人神之不忍徙祝者祝所以導神也言皆者衣服非一稱周禮守祧職曰掌先

王先公之廟祧其遺衣服藏焉奉衣服者降堂君及在位者皆辟也奉

衣服者至碑君從有司皆以次從出廟門奉衣服者升

車乃步君升車從者皆就車也

皆就車謂乘貳車者

凡出入門及

大溝渠祝下擯

神車祝為左故於步處則下

至于新廟筵于戶牖間

始自外來樽于西序下

四時之祭在室筵與中在堂筵序下是以設樽恒於東方今惟

故先於堂樽于西序下

布南面之席故置樽

脯醢陳于房中

房西房也諸侯左右房也

設洗



當東榮南北以堂深

記因卿士當言東雷

有司皆先入如朝位祝

導奉衣服者乃入君從奉衣服者入門左

門左

在位者

皆辟也奉衣服者升堂皆反位君從升奠衣服于席上祝奠幣于几東君北向祝在左

右奉主入新廟

贊者盥升適房薦脯醢君盥酌奠于薦西反位君及祝再拜興祝聲三曰孝嗣侯某敢用嘉幣告于皇考某侯今月吉日可以徙于新廟敢告再拜君就東廂西面祝

就西廂東面

東西侯也祝就西廂因其便也

在位者皆反走辟如食間

走疾趨也

擯者舉手曰請反位君反位祝從在左卿大夫及

衆有司諸在位者皆反位祝聲三曰孝嗣侯某潔為而

明薦之享

詩云潔蠲為饌是用孝享

君及祝再拜君反位

東廂之位

祝徹

反位

西廂之位

右祭告

擯者曰遷廟事畢請就燕君出廟門卿大夫有司執事

者皆出廟門告事畢

事謂內主藏衣服斂幣徹几筵之等

乃曰擇日而祭

焉所以安神

右事畢

諸侯釁廟

吉禮十一

補經

亦出大戴禮

成廟釁之以羊

廟新成而釁者尊而神之祭器名者成則釁之以豕也

君玄服立

于寢門內南向祝宗人宰夫雍人皆玄服

以神事故亦同爵弁小戴

君朝服者謂不與也

宗人曰請令以釁某廟君曰諾遂入雍人拭

羊拭乃行入廟門碑南北面東上

居上者宰夫也宰夫攝主也

雍人

舉羊升屋自中中屋南面刳羊血流于前乃降門以雞

有司當門北面

有司宰夫祝宗人也

雍人割雞屋下當門邾室割

雞于室中有司亦北面也

邾室門邾之室一曰東西廂也釁東西室有司猶北面統

於廟也案小戴割雞亦於屋上記者不同耳

既事宗人告事畢皆退反命于

君君寢門中南向宗人曰釁某廟事畢君曰諾宗人請就宴君揖之乃退

記成廟則釁之其禮祝宗人宰夫雍人皆爵弁純

衣

廟新成必釁之尊而神之也宗人先請於君曰請令以釁某廟君諾之乃行

雍人拭

羊宗人祝宰夫北面于碑南東上

居上者宰夫也宰夫攝主也拭

靜也

雍人舉羊升屋自中中屋南面封羊血流于前

乃降門夾室皆用雞先門而後夾室其鉅皆於屋

下割雞門當門夾室中室

自由也鉅謂將封割牲以鬯先滅耳旁毛薦之

耳聽聲者告神欲其聽之周禮有剗鉅

有司皆鄉室而立門則有司

當門北面

有司宰夫祝宗人

既事宗人告事畢乃皆退

告者

告宰夫

反命于君曰鬯某廟事畢反命于寢君南鄉

于門內朝服既反命乃退

君朝服者不至廟也

路寢成則考

之而不釁釁屋者交神明之道也

言路寢者生人所居不釁者不


神之也考之者設盛食以落之爾檀弓曰晉獻文子成室諸大夫發焉是也

凡宗廟之

器其名者成則釁之以緇豚

宗廟名器謂尊彝之屬

雜記



禮書綱目卷四十三